



本草綱目草部第十七卷下

草之六

天雄 本經下品

釋名白幕

本經時珍曰天雄乃種附子而生出或變出其形長而不生子故曰天雄其長

而尖者謂之天錐象形也

集解

別錄曰天雄生少室山谷二月采根陰乾弘景曰今採用八月中旬天雄似附子細而長

乃至三四寸許此與烏頭附子三種本出建平故謂之三建今宜都恨山者最好謂為西建錢塘間

者謂為東建氣力小弱不相似故曰西水猶勝東白也其用灰殺之時有水強者不佳恭曰天雄附

子烏頭並以蜀道綿州龍州出者佳餘處縱有力弱不相似陶以三物俱出建平故名之者非也烏

頭苗名莖音靳爾雅云芫莖草是也今訛莖為建遂以建平譯之矣承曰天雄諸說悉備但始種而不生附子側子經年獨長大者是也蜀人種之尤忌生此以為不利如養蠶而成白殭之意時珍曰天雄有二種一種是蜀人種附子而生出長者或種附子而盡變成長者即如種芋形狀不一之類一種是他處草烏頭之類自生成者故別錄註鳥喙云長三寸已上者為天雄是也入藥須用蜀產曾經釀制者或云須重一兩半有象眼者乃佳餘見附子下

修治敷曰宜炮皴去皮尖底用或陰制如附子法亦得大明曰凡丸散炮去皮用飲藥即和皮生使其甚佳時珍曰熟用一法每十兩以酒浸七日掘土坑用炭半秤煨赤去火以醋二升沃之候乾乘熱入天雄在內小盆合一夜取出去臍用之

氣味辛溫有大毒別錄曰其大溫權曰大熱宜之薑制之○之才曰遠志

惡腐婢忌鼓汁

主治大風寒濕痺歷節痛拘攣緩急破積聚邪氣

金瘡強筋骨輕身健行本經**療頭面風去來疼痛心**

腹結聚關節重不能行步除骨間痛長陰氣強志

令人武勇力作不倦別錄禹錫曰按淮南子云天雄雄雞志氣益注云取天雄

一枚納雄雞腸中搗食之令人勇**治風痰冷痺軟脚毒風能止氣**

喘促急殺禽蟲毒甄權**治一切風一切氣助陽道暖**

水臍補腰膝益精明目通九竅利皮膚調血脉四

肢不遂下胷膈水破疝癰結排膿止痛續骨消

二一

本草綱目卷之七十一
癩血背脊偃僂霍亂轉筋發汗止陰汗炮食治喉

痺大

發明

宗奭曰補虛寒須用附子風家多用天雄亦取其大者以其尖角多熱性不肯就下故取其敷散也元素曰非天雄不能補上焦之陽虛其敷散也天雄烏頭氣壯形偉可為下部之佐時珍曰烏附天雄皆是補下焦命門陽虛之藥補下所以益上也若是上焦陽虛即屬心肺之分當用參芪不當用天雄也且烏附天雄之尖皆是向下生者其氣下行其臍乃向上生苗之處寇宗奭言其不肯就下張元素言其補上焦陽虛皆是誤認尖為上爾惟朱震亨以為下部之佐者得之而未發出此義雷敷炮炙論序云咳逆數數酒服熟雄謂以天雄炮研酒服一錢也

附方

新三建湯

治元陽素虛寒邪外攻手足厥冷大小便滑數小便白渾六脈沉微

除固冷扶元氣及傷寒陰毒用烏頭附子天雄並

炮裂去皮臍等分吹咀每服四錢水二盞薑十五

片剉八分溫酒服半錢張

男子失精天雄三兩炮白木八兩桂枝六兩龍骨三兩為散每

酒服半錢張仲景金匱要畧

大風惡癩三月四月采天雄烏頭

漬細粒黑豆摩去皮不落者一夜取出晒乾又浸

如此七次初吞三枚漸加至六七枚禁房室猪魚

雞蒜犯之即死

側子

別錄下品

釋名

煎子時珍曰生于附子之側故名許慎說文作煎子

集解

弘景曰此附子邊角之大者削取之昔時不

用此來醫家以療脚氣多驗恭曰側子附子

皆是烏頭下旁出者以小者為側子大者為附子今以附子角為側子理必不然若當陽以下江左

山南嵩高齊魯間附子時復有角如大豆許夔州以上劍南所出者附子之角但如黍粟豈可充用比來都下皆用細附子有效未嘗取角也保昇曰今附子邊果有角如大棗核及檳榔以來者形狀自是一類且不小乃烏頭旁出附子旁出側子其明時珍曰側子乃附子旁粘連小者爾故吳普陶弘景皆指為附子角之大者其又小于側子者即漏藍子矣故楊氏附子記言側子漏藍園人皆不重之以乞後夫

修治 同附子

氣味 辛大熱有大毒 普曰神農岐伯有大毒 **主治**

癰腫風痺歷節腰脚疼冷寒熱鼠瘦又墮胎 別療 脚氣冷風濕痺大風筋骨攣急 甄別 冷酒調服治遍

身風癆神妙 雷敷

發明 機曰烏頭乃原生之腦得母之氣守而不移

居乎中者也側子散生旁側體無定在其氣輕揚宜其發散四肢充達皮毛為治風之藥天雄長而尖其氣親上宜其補上焦之陽虛木鼈子則餘氣所結其形催殘宜其不入湯服令人喪目也時珍曰唐元希聲侍郎治癰瘋風有側子湯見外臺秘要藥多不錄

漏藍子 綱目

釋名木鼈子 炮炙 **虎掌** 日華時珍曰此乃附子之

名南星之最下者名虎掌此物類之故亦同名大明會典載四川成都府歲貢天雄二十對附子五十對烏頭五十對漏藍二十斤不知何用

氣味苦辛有毒教曰服之令人喪目主治惡痢冷漏瘡惡瘡

癘風時珍

發明時珍曰按楊士瀛直指方云凡漏瘡年久者復其元陽當用漏藍子葦加減用之如不當

用而輕用之又恐熱氣乘虛變移結核而為害尤甚也又按類編云一人兩足生瘡臭潰難近夜宿

五夫人祠下夢神授方用漏藍子一枚生研為末入臍粉少許并木調唾依法治之果愈蓋此物不堪服餌止宜

入瘡科也

附方新一切惡痢雜下及休息痢百歲丸用漏藍子一箇大者阿膠木香黃連鑿

栗殼各半兩俱炒焦存性入乳香少許為末糊丸梧子大每一歲一丸米飲下羅天益衛生寶鑑

烏頭本經校正併入拾遺

釋名烏喙本經即草烏頭綱目土附子日華奚毒本經耿

子吳普毒公吳普又金鴉綱目苗茗莨音良芟音及董音近獨

白草拾遺鴛鴦菊綱目汁煎名射罔普曰烏頭形如鳥之頭也有兩岐相

合如鳥之喙者名曰烏喙喙即鳥之口也茶曰烏喙即鳥頭異名也此有三岐者然兩岐者少若烏

頭兩岐名烏喙則天雄附子之兩岐者復何以名之時珍曰此即烏頭之野生于他處者俗為之草

烏頭亦曰竹節烏頭出江北者曰淮烏頭日華子所謂土附子者是也烏喙即偶生兩岐者今俗呼

為兩頭尖因形而名其實乃一物也附子天雄之偶生兩岐者亦謂之烏喙功亦同于天雄非此烏

頭也蘇恭不知此義故反疑之草烏頭取汁晒為毒藥射禽獸故有射罔之稱後魏書言遼東塞外

秋收烏頭為毒藥射禽獸陳藏器所引續漢五行志言西國生獨白草煎為藥敷箭射人即死者皆

此烏頭非川烏頭也菊譜云鴛鴦菊即烏喙苗也

集解

別錄曰烏頭烏喙生朗陵山谷正月二月采

葉厚莖方中空葉四四相當與蒿相似弘景曰今採用四月亦以八月采搗芋莖汁日剪為射罔獵人以傅箭射禽獸十步即倒中人亦死宜速解之朗陵屬汝南郡大明曰土附子生去皮搗漉汁澄清旋添晒乾取膏名為射罔以作毒箭時珍曰處處有之根苗花實並與川烏頭相同但此係野生又無釀造之法其根外黑內白皺而枯燥為異爾然毒則甚焉段成式酉陽雜俎言雀芋狀如雀頭置乾地反濕濕地反乾飛鳥觸之墮走獸遇之僵似亦草烏之類而毒更甚也又言建寧郡烏勾山有牧靡草鳥鵲誤食烏喙中毒必急食比草以解之牧靡不知何藥也

修治

時珍曰草烏頭或生用或炮用或以烏大豆同煮熟去其毒用

烏頭氣味辛温有大毒

別錄曰其大熱大毒普曰神農雷公桐君黃帝其有

毒權曰苦辛大熱有大毒大明曰味蒼辛熱有毒之才曰莽草遠志為之使反半夏栝樓貝母白斂白芩惡藜蘆時珍曰伏丹砂砒石忌鼓汁畏飴糖黑豆冷水能解其毒

主治中風惡

風洗洗出汗除寒濕痺欬逆上氣破積聚寒熱其

汁煎之名射罔殺禽獸本經消胃上痰冷食不下心

腹冷痰臍間痛不可俛仰目中痛不可久視又墮

胎別

主惡風憎寒冷痰包心腸腹疔痛疰瘕氣塊

齒痛益陽事強志

甄權

治頭風喉痺癰腫疔毒

時珍

烏喙一名兩頭尖氣味辛微温有大毒

普曰神農雷公桐君

黃帝有毒權曰苦辛
大熱○畏惡同烏頭主治風濕丈夫腎濕陰寒癢

寒熱歷節掣引腰痛不能行步癰腫膿結又墮胎

別錄男子腎氣衰弱陰汗癩癧歲月不消甄王大風

頑痺時珍

射罔氣味苦有大毒之才曰温大明曰人中射罔毒以甘草藍汁小豆葉浮萍

冷木薺芫皆可一味御之主治尸疰癥堅及頭中風痺別錄瘰瘡

瘡根結核癩癧毒腫及蛇咬先取塗肉四畔漸漸

近瘡習習逐病至骨瘡有熱膿及黃水塗之若無

膿水有生血及新傷破即不可塗立殺人藏器

發明時珍曰草烏頭射罔乃至毒之藥非若川烏

自非風頑急疾不可輕投甄權藥性論言其益陽

事治男子腎氣衰弱者未可遽然也此類止能搜

風勝濕開頑痰治頑瘡以毒攻毒而已豈有川烏

頭附子補右腎命門之功哉吾斬却知府自負知

醫因病風癰服草烏頭木龍子藥過多甫入腹而

麻痺遂至不救可不慎乎機曰烏喙形如鳥嘴其

氣鋒銳宜其通經絡利關節尋蹊達徑而直抵病

所煎為射罔能殺禽獸非氣之鋒銳捷利能如是

乎楊清叟曰凡風寒濕痺骨內冷痛及損傷入骨

年久發痛或一切陰疽腫毒並宜草烏頭南星等

分少加肉桂為末薑汁熱酒調塗未破者能內消

久潰者能去黑爛二藥性味辛烈能破惡塊逐寒

熱遇冷即消遇熱即潰

附方舊四新陰毒傷寒生草烏頭為末以葱頭蘸藥納穀道中名提益散

本草綱目草部卷之二十七 七 付丹六百卅

王海藏陰 二便不通 即上方名 中風癱瘓 手足顛

證畧例 寒瀋左經丸用草烏頭炮去皮四兩川烏頭炮去

皮二兩乳香沒藥各一兩為末生烏豆一升以斑

蝥三七箇去頭翅同煮豆熟去蝥取豆焙乾為末

和勻以醋麩糊丸梧子大每服三十九丸温酒下

簡易 癱瘓頑風 骨節疼痛下元虛冷諸風痔漏下

方 尖各三錢硫磺麝香丁香各一錢木鼈子五箇為

末以熟蘄艾揉軟合成一處用鈔紙包裹燒熏病

處名雷丸 孫 諸風不遂 朱氏集驗方用生草烏

天仁集効方 生地龍搗和入少醋糊丸梧子大每服四五丸白

湯下甚妙勿多服恐麻人名鄂渚小金丹○經驗

濟世方用草烏頭四兩去皮大豆半升鹽一兩同

以沙瓶煮二伏時去豆將烏頭入木臼搗三百杵

作餅焙乾為末酒糊丸梧子大 一切頑風 神應丹

每空心鹽湯下十九丸各至寶丹

烏頭生天麻各洗等分搗爛絞汁傾盆中砌一小

坑其下燒火將盆放坑上每日常用竹片攪一次夜

則露之晒至成膏作成小錠子每一錠分作三一

服用葱薑自然汁和好酒熱服 乾坤秘韞 一

切風證 不問頭風痛風黃鴉吊脚風痺生淮烏頭

葱一斤薑一斤搗如泥和作餅子以草鋪盤內加

楮葉於上安餅於葉上又鋪草葉蓋之待出汗黃

一日夜乃晒之春為末以生薑取汁煮麩糊和丸

梧子大初服三十九丸二服服後身痺汗出即愈

避風 乾 破傷風病 壽域方用草烏頭為末每以

坤秘韞 門事親方用草烏尖白芷并生研末每服半錢冷

酒一盞入葱白一根同煎服少頃以葱白熱粥投

之汗出 年久麻痺 或歷節走氣疼痛不仁不拘男

立愈 為末以袋一箇盛豆腐半袋入烏末在內再將豆

腐填滿壓乾入鍋中煮一夜其藥即堅如石取出

晒乾為末每服五分冷風濕氣以生薑湯
下麻木不仁以葱白湯下之
活人心統
風濕痺

木 黑神丸草烏頭連皮生研五靈脂等分為末六
月六日滴水丸彈子大四十歲以下分六服病
甚一丸作二服薄荷湯化

下覺微麻為度
本事方
風濕走痛 黑弩前丸用
兩頭尖五靈

脂各一兩乳香沒藥當歸三錢為末醋糊丸梧子
大每服十丸至三十丸臨卧温酒下忌油膩濕麪

孕婦勿服
瑞竹堂方
腰脚冷痛 烏頭三箇去皮臍研末醋
調貼須臾痛止
十便良

方
膝風作痛 草烏細辛防風等分為末摻靴襪中
及安護膝內能除風濕健步
扶壽

方
遠行脚腫 草烏細辛防風等分為末摻鞋底內
如草鞋以水微濕摻之用之可行干

里甚妙
經驗
脚氣掣痛 或勝間有核生草烏頭大黃木
鼈子作末薑汁煎茶調貼之○

又法草烏一味為末以薑汁
或酒糟同搗貼之
永類方
濕滯足腫 早輕晚重
用草烏頭

一兩以生薑一兩同研交感一宿蒼朮一兩以
白一兩同研交感一宿各焙乾為末酒糊丸梧子

大每服五十丸酒下
艾元英如宜方
除風去濕 治痺胃虛弱久積
冷氣飲食減少用

草烏頭一斤蒼朮二斤以去白陳皮半斤生甘草
四兩黑豆三升水一石同煮乾只揀烏木晒焙為

末酒糊丸梧子大焙乾收之每空心温酒下二
三十九丸覺麻即漸減之各烏木丸
集簡方
偏

正頭風 草烏頭四兩川芎藭四兩蒼朮半斤生薑
四兩連鬚生葱一把搗爛同入瓷瓶封固

埋土中春五夏三秋五冬七日取出晒乾揀去葱
薑為末醋麪糊和丸梧子大每服九丸臨卧温酒

下立効
戴
久患頭風 草烏頭尖生用一分赤小
豆三十五粒麝香一字為

古渝經驗方
末每服半錢薄荷湯冷服
風痰頭痛 體虛傷風停
更隨左右嚔鼻
指南方

頭痛或偏或正草烏頭炮去皮尖半兩川烏頭生
去皮尖一兩藿香乳香三皂子大為末每服二錢

本
六
百
廿
四
恒

薄荷薑湯下食後
服陳言三因湯
隨左右調塗太陽及額上
勿過眼避風
濟生方
川芎二兩並生研末麪糊丸綠豆大每
服十九茶下忌一切熱物
聖濟總錄
如流水及風聲不治成聾用生烏頭掘得乘濕削
如棗核大塞之日易二次不三日愈
千金方

女人頭痛 血風證草烏頭厄子
等分為末自然葱汁

腦洩臭穢 草烏去皮半
兩蒼朮一兩

耳鳴耳癢

喉痺口噤 不開欲死草烏頭皂莢等分為末入麪
香少許擦牙并嚙鼻內牙關自開也
○

濟生方用草烏尖石膽等分為末每用一錢醋煮
皂莢汁調稀掃入腫上流涎數次其毒即破也

虛壅口瘡 滿口連舌者草烏一箇南星一箇生薑
或以草烏頭吳茱萸等分為
未蜜調塗足心
本事方
痺蝕口鼻 穿透者草
烏頭燒灰
入麪香等分
為末貼之

風蟲牙痛 草烏沙黑一兩細辛一錢
為末指之吐出涎○一方

草烏食鹽同炒黑
子大每酒下二九日三服劉國
寒瘡積瘡 巴豆心
黃所秘之方 范汪東陽方

寒氣心疝 三十年者射罔食菜
糝之 海上方

皮射罔去皮如巴豆大大棗去皮一枚搗成丸梧
子大清旦先發時各服一丸白湯下 肘後方

脾寒厥瘡 先寒後熱名寒瘡但寒不熱面色黑者
者並宜服此賈耘老用之二十年累試有效不蛙
草烏頭削去皮沸湯泡二七度以盞蓋良久切焙
研稀糊丸梧子大每服三十丸薑十片棗三枚葱
三根煎湯清早服以棗壓之如人行十里許再一
服絕勿飲湯便不發

腹中癥結 害妨飲食羸瘦射
也 蘇東坡良方 罔二兩椒三百粒

搗末雞子白和丸麻子大每服一
丸漸至三丸以愈為度 肘後方

水泄寒痢 大草
兩以一半生研一半燒灰醋糊和丸綠豆大每
服七丸并華水下忌生冷魚肉 十便良方

泄

六

六

六

痢注下

三神丸治清濁不分泄瀉注下或赤或白腹臍刺痛裏急後重用台烏頭三箇去皮

尖以一箇火炮一箇醋煮一箇燒灰為末醋糊丸綠豆大每服二十九丸水瀉流水下赤痢其草湯下

白痢薑湯下忌魚腥**結陰下血**腹痛草烏頭蛤粉生冷和劑局方炒去皮臍切一兩

茵香炒三兩每用三錢水一盞入鹽少許煎入分去滓露一夜五更冷服**老人遺**

尿不知出者草烏頭一兩童便浸七日去皮同鹽炒為末酒糊丸綠豆大每服二十九丸鹽湯下

普濟**內痔不出**草烏為末津調點肛門內痔即反出乃用枯痔藥點之外科集驗方

疔毒初起草烏頭七箇川烏頭三箇杏仁九箇飛羅麩一兩為末無根水調搽留口以紙

蓋之乾則以水潤之唐珣經驗方**疔毒惡腫**生烏頭切片醋熬成膏攤貼次日根出○

又方兩頭尖一兩巴豆四箇**疔瘡發背**草烏頭去搗貼疔自拔出普濟方皮為末用

葱白連鬚和搗九豌豆大以雄黃為衣每服一九先將葱一根細嚼以熱酒送下或有惡心嘔三四

口用冷水一口止之即臥以被厚蓋汗出為度亦治頭風乾坤秘韞**惡毒諸瘡**及

背疔瘡便毒等證二鳥膏用草烏頭川烏頭干瓦上以井華水磨汁塗之如有口即塗四邊乾再上

亦可單用草烏磨醋塗之永類方**大風癬瘡**遍身黑色肌體麻木

斤刮洗去皮極淨攤乾以清油四兩鹽四兩同入銚內炒令深黃色傾出刺油只留鹽并藥再炒令

黑烟出為度取一枚擘破心內如米一點白者始好白多再炒乘熱杵羅為末醋麩糊丸梧子大每

服三十九丸空心溫酒下草烏性毒難制五七日間以黑豆煮粥食解其毒**遍身**

生瘡陰囊兩脚尤甚者草烏一兩鹽一兩化水浸一夜炒赤為末猪腰子一具去膜煨熟竹刀

切搗醋糊丸綠豆大每服三一切諸瘡烏頭為末澹寮方

入輕粉少許臘猪油和搽普濟方

瘰癧初作未破作寒熱草烏頭

米醋磨細入搗爛葱頭蚯蚓糞少許調勻

傅上以紙條貼令通氣孔妙醫休正宗馬汗入

瘡腫痛急療之遲則毒深以生烏頭末傅

人射罔傅之頻易血靈苑方蛇蝎螫

射罔傅之頻易血梅師方中沙虱毒射罔傅之

出愈梅師方射罔傅之

射罔傅之

白附子

釋名見後發

集解別錄曰白附子生蜀郡三月采弘景曰此物

西蜀郡不復有主砂積下濕地獨莖似鼠尾草細

葉周匝生於穗間根形似天雄珣曰徐表南州異

物記云生東海新羅國及遼東苗與附子相似時

珍根正如草烏頭之小者長寸許乾者皺文有節

氣味辛甘大温有

曰純陽引主治心痛血痺面上百病行藥勢別錄中

風失音一切冷風氣面疔癩疵大諸風冷氣足弱

無力疥癬風瘡陰下濕癢頭面痕入面脂用李補

肝風虛好風痰

發明時珍曰白附子乃陽明經藥因與附子相似

故得此名實非附子類也按楚國先賢傳云

孔休傷頰有癩王莽賜王

屑白附子香與之消癩

附方

新十中風口喎半身不遂牽正散用白附子

末每服二錢熱酒調小兒暑風暑毒入心痰塞心

危急之證非此丸生料瞑眩之劑不能伐之三
丸用白附子天南星半夏並去皮等分生研猪膽
汁和丸黍米大量兒大小以薄荷湯下
令兒側卧嘔出痰水即甦全幼心鑑
頭痛氣鬱胃膈不利白附子炮去皮臍半斤石膏
煨紅半斤硃砂二兩二錢半龍腦一錢為末粟米
飯丸小豆大每服三十丸食
後茶酒任下御藥院方
角去皮等分為末食後茶清
服伴卧少頃普濟本事方
等分生研為末生薑自然汁浸蒸餅丸綠
豆大每服四十九丸食後薑湯下濟生方
赤白汗
斑白附子硫黃等分為末薑汁調
稀茄蒂蘸擦日數次簡便方
面上肝黯白附子為
末卧時漿水洗面以白蜜和塗紙
上貼之久久日落衛生易簡方
耳出膿水白附子炮
羌活一兩為末猪羊腎各一箇每箇入末半
錢濕紙包煨熟五更食温酒下聖濟錄
喉痺

腫痛

白附子末枯半等分研末塗
舌上有涎吐出聖惠方
偏墜疝氣白附子一

箇為末津調填臍以艾灸三
壯或五壯即愈楊起簡便方
小兒吐逆不定虛
風喘急

白附子藿香等分為末每米
飲下半錢保幼大全方
慢痺驚風白附子半
兩天南星

半兩黑附子一錢並炮去皮為末每服二錢生薑
五片水煎服亦治大人風虛止吐化痰宣和間真

州李博士用治吳內翰女孫甚効康州陳侍郎病
風虛極昏吳內翰令服三四服即愈楊氏家藏

虎掌

本經
下品
天南星
宋開寶

釋名虎膏

綱目
鬼茺莠日華叅曰其根四畔有圓牙
看如虎掌故有此名頌曰天

南星即本草虎掌也小者名由跋古方多用虎掌
不言天南星南星近出唐人中風痰毒方中用之
乃後人採用別立此名爾時珍曰虎掌因葉形似
之非根也南星因根圓白形如老人星狀故名南

星卽虎掌也蘇頌說甚明白宋開寶不當重出南星條今併入

集解

別錄曰虎掌生漢中山谷及宛句二月八月

四邊有子如虎掌今用多破作三四片方藥不甚用也恭曰此是由跋宿根其苗一莖莖頭一葉枝了扶莖根大者如拳小者如雞卵都似扁柿四畔有圓牙看如虎掌由跋是新根大如半夏二三四畔無子牙陶說似半夏乃由跋也保昇曰莖頭有八九葉花生莖間藏器曰天南星生安東山谷葉如荷獨莖用根頌曰虎掌今河北州郡有之初生根如豆大漸長大似半夏而扁年久者根圓及寸大者如雞卵周匝生圓牙三四枚或五六枚三四月生苗高尺餘獨莖上有葉如瓜五六出分布尖不圓一窠生七八莖時出一莖作穗直上如鼠尾中生一葉如匙暴莖作房旁開一口上下尖中有花微青褐色結實如麻子大熟卽白色白落布地一子生一窠九月苗殘取根今冀州人菜圃中

種之呼為天南星又曰天南星處處平澤有之二月生苗似荷梗其莖高一尺以來葉如蒟蒻兩枝相抱五月開花似蛇頭黃色七月結子作穗似石櫛子紅色二月八月采根似芋而圓扁與蒟蒻相類人多誤采了不可辨但蒟蒻莖斑花紫南星根小柔膩肌細炮之易裂為可辨爾南星卽本經虎掌也大者四邊皆有牙子采時削去之江州一種草葉大如掌面青背紫四畔有牙如虎掌生三四葉為一本冬青不結花實治心疼寒熱積氣亦與虎掌同名故附見之時珍曰大者為虎掌南星小者為由跋乃一種也今俗又言大者為鬼曰小者為南星殊為謬誤

修治

頌曰九月采虎掌根去皮臍入器中湯浸五

裂用時珍曰凡天南星須用一兩以上者佳治風痰有生用者須以溫湯洗淨仍以白礬湯或入皂角汁浸三日夜日日換水暴乾用若熟用者須於黃土地掘一小坑深五六寸以炭火燒赤以好酒

沃之安南星於內瓦盆覆定灰泥固濟一夜取出
用急用即以濕紙包於燂灰火中炮裂也一法治
風熱痰以酒浸一宿桑柴火蒸之常洒酒入甑內
令氣猛一伏時取出竹刀切開味不麻古為熟未
熟再蒸至不麻乃止脾虛多痰則以生薑渣和黃
泥包南星煨熟去泥焙用造南星麴法以薑汁礬
湯和南星末作小餅子安藍內楮葉包蓋待上黃
衣乃取晒收之造膽星法以南星生研末臘月取
黃牯牛膽汁和劑納入膽中
繫懸風處乾之年久者彌佳

氣味苦温有大毒

別錄曰微寒普曰虎掌神農雷公苦有毒岐伯桐君辛有毒大

明曰辛烈平杲曰苦辛有毒陰中之陽可升可降乃肺經之本藥震亨曰欲其下行以黃蘗引之之才曰蜀漆為之使惡莽草大明曰畏附子乾薑生薑時珍曰得防風則不麻得牛膽則不燥得火炮則不毒生能伏雄黃丹砂煇硝
主治心痛寒熱結氣積聚伏梁傷

筋痿拘緩利水道

本經

除陰下濕風眩

別錄

主疝瘕腸

痛傷寒時疾強陰

甄權

天南星主中風麻痺除痰下

氣利胃膈攻堅積消癰腫散血墮胎

開寶

金瘡折傷

瘀血擣傅之

藏器

蛇蟲咬疥癬惡瘡

大明

去上焦痰及

眩運

元素

主破傷風口噤身強

李杲

補肝風虛治痰功

同半夏

好古

治驚癇口眼喎斜喉痺口舌瘡糜結核

鮮顱

時珍

發明

時珍曰虎掌天南星乃手足太陰脾肺之藥味辛而麻故能治風散血氣温而燥故能勝

濕除涎性緊而毒故能攻積拔腫而治口喎舌糜楊士瀛直指方云諸風口噤宜用南星更以人參

石菖蒲
佐之

附方 舊十新 **中風口噤** 目瞋無門下藥者開關散
用天南星為末入白龍腦

等分五月五日午時合之每用中指點末搯齒三
二十遍搯大牙左右其口自開又名破棺散 經

驗 **諸風口噤** 天南星炮剉大人三錢小兒三字生
薑五片蘇葉一錢水煎減半入雄猪

膽汁少許溫服 **小兒口噤** 牙關不開天南星一枚
仁齋直指方 煨熟紙裹斜包剪一小

孔透氣于口中牙關自開也○一 **小兒驚風** 墜涎
方用生南星同薑汁擦之自開 散用

天南星一兩重一箇換酒浸七伏時取出安新瓦
上週週炭火炙裂合濕地出火毒為末入硃砂一

分每服半錢荆芥湯調下每日 **吐瀉慢驚** 天王散
空心一服午時一服 經驗方 治小兒

吐瀉或誤服冷藥脾虛生風痰慢驚天南星二箇
重八九錢者去臍黃土坑深三寸炭火五斤煨赤

人好酒半盞安南星在內仍架炭三條在上候發
裂取剉再炒熟為末用五錢天麻煨熟研末一錢

麝香一字和勻三歲小兒用半錢以生薑防
風煎湯調下亦治久嗽惡心 錢乙小兒方 **風癩**

痰迷 墜痰丸用天南星九蒸九晒為末薑汁麵糊
丸梧子大每服二十九丸人參湯下石菖蒲麥

門冬湯亦可 **小兒癩瘡** 癩後瘡不能言以天南星
衛生寶鑑 濕紙包煨為末雄猪膽汁

調服二字○ **治癩利痰** 天南星煨香一兩硃砂一
全幼心鑑 錢為末猪心血丸梧子大

每防風湯化下 **口眼喎斜** 天南星生研末自然薑
一丸 普濟方 汁調之左貼右右貼左

存方 **角弓反張** 南星半夏等分為末薑汁竹瀝
灌下一錢仍灸印堂 摘玄方 **破**

傷中風 胡氏奪命散又名王真散治打撲金刃傷
及破傷風傷濕發病強直如癱狀者天南

星防風等分為末水調敷瘡出水為妙仍以溫酒
調服一錢已死心尚溫者熱童便調灌二錢鬪敵

星防風等分為末水調敷瘡出水為妙仍以溫酒
調服一錢已死心尚溫者熱童便調灌二錢鬪敵

內傷墜壓者酒和童便連灌三服即甦亦可煎服 **破傷風瘡** 生南星末水調

塗瘡四圍水出 **婦人頭風** 攻目作痛天南星一箇掘地坑燒赤安藥於中

有効 普濟方 **風痰頭** 以醋一盞沃之蓋定勿令透氣候冷研末 **風痰頭** 每服一字以酒調下重者半錢 千金方

痛 不可忍天南星一兩荊芥葉一兩為末薑汁糊用天南星茴香等分生研末鹽醋煮麵 **風痰頭運**

糊丸如上述法服 並出經効濟世方 **風痰頭運** 月眩吐逆煩懣飲食不下王壺丸用生南星生半

夏各一兩天麻半兩白麵三兩為末水丸梧子大每服三十丸以水先煎沸入藥煮五七沸 **腦風流**

漉出放溫以薑湯吞之 惠民和劑局方 **腦風流** 涕邪風入腦鼻內結硬遂流隨涕大白南星切片

同煎服三四服其硬物自出腦氣流轉隨涕自收以大蒜華菱末作餅隔紗貼顙前熨斗熨之或以

香附葶藶末頻吹 **小兒風痰** 熱毒壅滯涼心壓驚鼻中 直指方 抱龍丸用牛膽南星

一兩入金錢薄荷十片丹砂一錢半龍腦麝香各一字研末煉蜜丸芡子大每服一丸竹葉湯化下

全幼 **壯人風痰** 及中風中氣初起星香飲用南心鑑 星四錢木香一錢水二盞生薑

十四片煎六分溫 **痰迷心竅** 壽星丸治心膽被驚服 王碩易簡方 神不守舍或痰迷心

竅恍惚健妄妄言妄見天南星一斤先掘土坑一尺以炭火三十斤燒赤入酒五升滲乾乃安南星

在內盆覆定以灰塞之勿令走氣次日取出為末琥珀一兩硃砂二兩為末生薑汁打麵糊丸梧子

大每服三十九至五十九煎人參石菖蒲湯下一日三服 和劑局方 **風痰注痛** 方

羊躑 **痰濕臂痛** 右邊者南星制蒼木等分生風痰躑下 薑三片水煎服之 摘玄方

風痰 效嗽 大天南星一枚炮裂研末每服一錢水一盞薑三片煎五分溫服每日早午晚各一服

本草綱目卷之二十一 痰 三

千金氣痰欬嗽 王粉丸南星麴半夏麴陳橘皮各

博濟子大每服四十九丸薑湯下寒痰去清氣化痰丸治

橘皮加官桂東垣蘭室秘藏中脘氣滯痰涎煩悶頭目不清生南星去皮半夏

各五兩並湯泡七次為末自然薑汁和作餅鋪竹篩內以楮葉包覆待生黃成麴晒乾每用二兩入

香附末一兩糊丸梧子大每服四十九丸食後薑湯下 王璆

溫中散滯消導飲食天南星炮高良薑薑汁糊丸梧子大每薑

湯下五十九丸和劑方酒積酒毒服此即解天南星丸用正端天

南星一斤土坑燒赤沃酒一斗入坑放南星盆覆泥固濟一夜取出酒和水洗淨切片焙乾為末入

硃砂末一兩薑汁麴糊丸梧子大每服五十九丸薑湯下蔡丞相呂丞相常用有驗 楊氏家藏丸

吐泄不止 四肢厥逆虛風不省人事服此則陽回名用陽散天南星為末每服三錢京棗

三枚水二鍾煎八分溫服未省再服○腸風瀉血 又方醋調南星末貼足心 普濟方

諸藥不効天南星石灰炒焦黃色為末酒糊丸梧子大每酒下二十九丸 普濟方

吐血不止 天南星一兩剉如豆大以爐灰汁浸一宿洗焙研末每服一錢以自然銅磨酒調下 勝金方

初生貼顙 頭熱鼻塞者天南星炮為末水調貼顙上灸手熨之 危氏得効方 小兒

鮮顙 顙開不合鼻塞不通天南星炮去皮為末淡醋調緋帛上貼顙門灸手熨之立効 錢

乙小兒 鮮顙脫臼 不能收上用南星末薑汁調直訣 鮮顙脫臼 塗兩頰一夜即上 醫說 小

兒口瘡 白屑如鷲口不須服藥以生天南星去皮集効 走馬疳蝕 透骨穿腮生南星一箇當心剉空

方 以盞子合定出火毒去麵為末入麝香少許拂瘡數日甚効 經驗方 風蟲牙痛 南

未塞孔以霜梅會
祛去涎 摘玄方 喉風喉痺 天南星一箇剉心入
白僵蠶七枚紙包煨

熟研末薑汁調服一錢甚者灌
之吐涎愈名如聖散 博濟方 痰瘤結核 南星膏
肌頭面上生瘤及結核大者如拳小者如粟或軟

或硬不疼不癢宜用此藥不可輒用針灸生天南
星大者一枚研爛滴好醋五七點如無生者以乾

者為末醋調先用針刺令氣透乃貼之覺癢則頻
貼取効 嚴 身面疣子 醋調南星末塗
子禮濟生方 簡易方

由跋 本經 下品

釋名

集解

恭曰由跋是虎掌新根大下半夏一二倍四
畔未有子牙其宿根即虎掌也藏器曰由跋
生林下苗高一尺似菰蒻根如雞卵保昇曰春抽
一莖莖端有八九葉根圓扁而肉白時珍曰此即

天南星之小者其氣未足不堪服食故醫方罕用
惟重八九錢至一兩餘者氣足乃佳正如附子之
側子不如附子之義也

正誤

弘景曰由跋本出始興今人亦種之狀如烏
翼而布地花紫色根似附子苦酒摩塗腫亦
効恭曰陶氏所說乃鳶尾根即鳶頭也又言虎掌
似半夏是以為尾為由跋以由跋為半夏非惟不
識半夏亦不識鳶尾與由跋也今南人猶以由跋
為半夏時珍曰陳延之小品方亦以東海鳶頭為
由跋則其訛誤久矣

氣味辛苦温有毒主治毒腫結熱 本經

蒟蒻 宋開寶

釋名蒟蒻頭

開寶 鬼芋 圖 鬼頭

集解

志曰莠頭出吳蜀葉似由跋半夏根大如碗

秋有花直出生亦子根如莠頭毒猛不堪食虎杖亦

亦名斑杖與此不同頌曰江南吳中出白莠莠亦

曰鬼芋生平澤極多人采以為天南星了不可辨

市中所收往往是此但南星肌細膩而莠莠莖斑

花紫南星莖無斑花黃為異爾時珍曰莠莠出蜀

中施州亦有之呼為鬼頭關中人亦種之宜樹陰

下掘坑積糞春時生苗至五月移之長一二尺與

南星苗相似但多斑點宿根亦自生苗其滴露之

說蓋不然經二年者根大如碗及芋魁其外理白

味亦麻人秋後采根須淨擦或搗或片段以曬灰

汁煮十餘沸以水淘洗換水更煮五六遍即成凍

子切片以苦酒五味淹食不以灰汁則不成也切

作細絲沸湯汆過五味調食狀如水母絲馬志言

其苗似半夏楊慎丹鉛錄言莠醬即此者皆誤也

王禎農書云救荒之法山有粉葛莠橡栗之利則此物亦有益于民者也其斑杖即天南星之類

有斑考

根氣味辛寒有毒

李廷飛曰性冷甚不益人冷氣人少食之生則戟人喉出血

主治癰腫風毒摩傳腫上搗碎以灰汁煮成餅五

味調食主消喝

開寶

發明

機曰按三元延壽書云有人患瘵百物不忌見隣家修蒟蒻求食之美遂多食而瘵愈又

有病肥癰者數人多食之亦皆愈

附錄菩薩草

宋圖經頌曰生江浙州郡凌冬不凋

根用味苦無毒主中諸毒食毒酒研服之又諸蟲傷搗汁飲并傳之婦人妊娠欬嗽搗篩蜜丸服効

半夏

本經下品

本草綱目卷之二十一 二 四十九 秋

釋名守田

本經水玉

本地文

別和姑

本經時珍曰禮記月令五月半

夏生蓋當夏之半也故名守田會意水玉因形

集解

別錄曰半夏生槐里川谷五月八月采根暴乾普曰生微丘或生野中二月始生葉三三

相偶白花圓上弘景曰槐里屬扶風今第一出青州吳中亦有以肉白者為佳不厭陳久恭曰所在皆有生平澤中者名羊眼半夏圓白為勝然江南者大乃徑寸南人特重之頃來互用功狀殊異其苗似是由跋誤以為半夏也頌曰在處有之以齊州者為佳二月生苗一莖莖端三葉淺綠色頗似竹葉而生江南者似芍藥葉根下相重上大下小皮黃肉白五月八月采根以灰裹二日湯洗暴乾蜀圖經云五月采則虛小八月采乃實大其平澤生者甚小名羊眼半夏由跋絕類半夏而苗不同數曰白傍蕪子真似半夏只是咬着微酸不入藥用

修治

弘景曰凡用以湯洗十許過令滑盡不爾有

毒戟人咽喉方中有半夏必湏用生薑者以制其毒故也數曰修事半夏四兩用白芥子末二兩醃醋二兩攪濁將半夏投中洗三遍用之若洗涎不盡令人氣逆肝氣怒滿時珍曰全治半夏惟洗去皮垢以湯泡浸七日逐日換湯眼乾切片薑汁拌焙入藥或研為末以薑汁入湯浸澄三日瀝去涎水晒乾用謂之半夏粉或研末以薑汁和作餅子日乾用謂之半夏餅或研末以薑汁白礬湯和作餅楮葉包置籃中待生黃衣日乾用謂之半夏麴尤佳治濕痰以薑汁白礬湯和之治風痰以薑汁及皂莢煮汁和之治火痰以薑汁竹瀝或荆瀝和之治寒痰以薑汁礬湯入白芥子末和之此皆造麴妙法也

根氣味辛平有毒

別錄曰生微寒熟溫生令人吐熱令人下湯洗盡滑用元素曰

味辛苦性溫氣味俱薄沈而降陰中陽也好古曰
辛厚苦輕陽中陰也入手陽明太陰少陰三經之
才曰射干為之使惡皂莢畏雄黃生薑乾薑秦皮
龜甲反為頭權曰柴胡為之使忌羊血海藻飴糖
元素曰熱痰佐以黃芩風痰佐以南星寒痰佐以
乾薑痰痞佐以陳皮白木多用則瀉脾胃諸血證
及口渴者禁用為其燥津液主治傷寒寒熱心下
也孕婦忌之用生薑則無害

堅胃脹欬逆頭眩咽喉腫痛腸鳴下氣止汗本消

心腹胃膈痰熱滿結欬嗽上氣心下急痛堅痞時

氣嘔逆消癰腫療痿黃悅澤面目墮胎別錄消痰下

肺氣開胃建脾止嘔吐去胃中痰滿生者摩癰腫

除瘤瘦氣甄權治吐食反胃霍亂轉筋腸腹冷痰瘡

大治寒痰及形寒飲冷傷肺而欬消胃中痞膈上

痰除胃寒和胃氣燥脾濕治痰厥頭痛消腫散結

元治眉稜骨痛震亨補肝風虛好古除腹脹目不得瞑

白濁夢遺帶下時珍

發明權曰半夏使也虛而有痰氣宜加用之頌曰

潤也半夏之辛以散逆氣結氣除煩嘔發音聲行

水氣而潤腎燥好古曰經云腎主五液化為五濕

自入為唾入肝為泣入心為汗入脾為痰入肺為

涕有痰曰嗽無痰曰欬痰者因欬而動脾之濕也
半夏能泄痰之標不能泄痰之本泄本者泄腎也
欬无形痰有形無形則潤有形則燥所以為流濕
潤燥也俗以半夏為肺藥非也止嘔吐為足陽明
除痰為足太陰柴胡為之使故今柴胡湯中用之

雖為止嘔亦助柴胡黃芩主往來寒熱是又為足
 少陽陽明也宗奭曰今人惟知半夏去痰不言益
 脾蓋能分水故也脾惡濕濕則濡困困則不能治
 水經云水勝則瀉一男子夜數如廁或教以生薑
 一兩半夏大棗各三十枚水一升薤白中慢火燒
 為熟水時呷之便已也趙繼宗曰丹溪言二陳湯
 治一身之痰世醫執之凡有痰者皆用夫二陳內
 有半夏其性燥烈若風痰寒痰濕痰食痰則相宜
 至于勞痰失血諸痰用之反能燥血液而加病不
 可不知機曰俗以半夏性燥有毒多以貝母代之
 貝母乃太陰肺經之藥半夏乃太陰肺經陽明胃
 經之藥何可代也夫欬嗽吐痰虛勞吐血或痰中
 見血諸鬱咽痛喉痺肺癰肺痿癰疽婦人乳難此
 皆貝母為何導半夏乃禁用之藥若涎者脾之液
 美味膏粱炙博皆能生脾胃濕熱故涎化為痰久
 則痰火上攻令人昏憤口噤偏癱僵仆蹇澀不語
 生死旦夕自非半夏南星曷可治乎若以貝母代
 之則翹首待斃矣時珍曰脾無留濕不生痰故脾

為生痰之源肺為貯痰之器半夏能主痰飲及腹
 脹者為其體滑而味辛性溫也涎滑能潤辛溫能
 散亦能潤故行濕而通大便秘而泄小便所謂
 辛走氣能化液辛以潤之是矣潔古張氏云半夏
 南星心其痰而欬嗽自愈丹溪朱氏云二陳湯能
 使大便潤而小便長聊攝成氏云半夏辛而散行
 水氣而潤腎燥又和劑局方用半硫丸治老人虛
 秘皆取其滑潤也世俗皆以南星半夏為性燥誤
 矣濕去則土燥痰涎不生非二物之性燥也古方
 治咽痛喉痺吐血下血多用二物非禁劑也二物
 亦能散血故破傷打撲皆主之惟陰虛勞損則非
 濕熱之邪而用利竅行濕之藥是乃重竭其津液
 醫之罪也豈藥之咎哉甲乙經用治夜不眠是果
 性燥者乎岐伯云衛氣行于陽陽氣滿不得入于
 陰陰氣虛故目不得瞑治法飲以半夏湯一劑陰
 陽既通其卧立至方用流水千里者八升揚之萬
 遍取清五升煮之炊以葦薪大沸入秫米一升半
 夏五合煮一升半飲汁一盃日三以知為度病新

發者覆盃則汗出則已久者三飲而已

附方 舊十五新 **法制半夏** 清痰化飲壯脾順氣用大半夏湯洗七次焙乾

再洗如此七轉以濃米泔浸一日夜每一兩用白礬一兩半溫水化浸五日焙乾以鉛白霜一錢溫水化又浸七日以漿水慢火內煮沸焙乾收 **紅半**

夏法 消風熱清痰涎降氣利咽大半夏湯浸焙制如法每一兩入龍腦五分硃砂為衣染之

先鋪燈草一重約一指厚排半夏于上再以燈草蓋一指厚以炒豆焙之候乾取出每嚼一兩粒溫

水送下 **化痰鎮心** 祛風利膈辰砂半夏丸用半御藥院方 夏一斤湯泡七次為末篩過

以水浸三日生絹濾去滓澄清去水曬乾一兩入辰砂一錢薑汁打糊丸梧子大每薑湯下七十九丸

此周府方 **化痰利氣** 三仙丸方 消痰開胃 去胸膈也 袖珍 見虎掌下 壅滯斗

門方用半夏洗炮焙乾為末自然薑汁和作餅濕紙裹煨香以熟水二盞同餅二錢入鹽伍分煎一

盞服之大壓痰毒及酒食傷極驗 經驗用半夏天南星各二兩為末水五升入壘內浸一宿去清

水焙乾重研每服二錢 **中焦痰涎** 利咽清頭目進水二盞薑三片煎服 飲食半夏泡七

次四兩枯礬一兩為末薑汁打糊或煮棗肉和丸梧子大每薑湯下十五丸寒痰加丁香五錢熱痰

加寒水石煨四兩名 **老人風痰** 大腑熱不識人及王液丸 和劑局方 肺熱痰實不利半

夏炮七次焙硝石半兩為末入白麵搗勻 **膈壅風** 水和丸綠豆大每薑湯下五十九丸 普濟

痰 半夏半斤酸漿浸一宿溫湯洗五十遍去惡氣日乾為末漿水搜作餅日乾再研為末每五兩

入生龍腦一錢以漿水濃脚和丸雞頭子大紗袋盛避風處陰乾每服一九好茶或薄荷湯嚼下

御藥 **搜風化痰** 定志安神利頭目辰砂化痰丸用院方 半夏麴三兩天南星炮一兩辰砂

結胃痛

正在心下按之則痛脉浮滑者小陷胃湯
主之半夏半升黃連一兩栝樓實大者一

箇水六升先煮栝樓徒三升去滓內二
味煮取二升分三服

仲景傷寒論

濕痰心痛

喘急者半夏油炒為末粥糊丸綠豆
大每服二十九薑湯下

丹溪心法

急傷寒病

四錢生薑七片酒一盞煎
服 胡洽居士百病方

結痰不出

語音不清年
久者亦宜至

粉丸半夏半兩桂心一字草烏頭半字為末薑汁
浸蒸餅丸芡子大每服一九夜卧含嚥 活法機

要停痰冷飲

嘔逆橘皮各一兩每服四錢生薑七片水
二盞煎一盞溫

服 和劑局方

停痰留飲

胃膈滿悶氣短惡心飲
食不下或吐痰水茯苓

半夏湯用半夏泡五兩茯苓三兩每服四錢薑
七片水一鍾半煎七分甚捷徑

和劑局方

支

飲作嘔

嘔家本渴不渴者心下有支飲也或似喘
不喘似嘔不嘔似噦不噦心下憤憤並宜

小半夏湯用半夏炮七次一升生薑半升水
七升煮一升五合分服

張仲景金匱要畧

噦逆

欲死

半夏生薑湯主
之即上方也

痘瘡噦氣

上方同
嘔噦眩悸

得下半夏加茯苓湯半夏一升生薑半斤茯苓三
兩切以水七升煎一升半分溫服之 金匱要畧

目不得眠

見發
明下

心下悸忪

半夏麻黃丸半夏麻黃
等分為末蜜丸小豆大

每服二十九日

傷寒乾嘔

半夏熟洗研末生薑湯
服一錢七 梅師方

嘔逆厥逆

內有寒痰半夏一升洗滑焙研小麥麵
一升水和作彈丸水煮熟初吞四五枚

日三服稍增至十五枚旋煮旋吞覺病減再作
忌羊肉錫糖此乃許仁則方也 外臺秘要

吐反胃

大半夏湯半夏三升人參三兩白蜜一升
水一斗二升和揚之一百二十遍煮取三

升半溫服一升日再服亦

治膈間支飲 金匱要畧

胃寒噦逆

停痰留飲藿
香半夏湯用

半夏湯泡炒黃二兩藿香葉一兩丁香皮半兩小兒每服四錢水一盞薑七片煎服和劑局方

吐瀉 脾胃虛寒齊州半夏泡七次陳粟米各一錢半薑十片水棧半煎八分溫服錢乙小兒

小兒痰吐 或風壅所致或欬嗽發熱飲食即嘔半夏泡七次半兩丁香一錢以半夏末水

和包丁香用麵重包煨熟去麵為末生薑自然汁和丸麻子大每服二三十九丸陳皮湯下活幼口

議 **妊娠嘔吐** 半夏二兩人參乾薑各一兩為末薑汁麵糊丸梧子大每飲服十九日三

服 仲景 **霍亂腹脹** 半夏桂等分為末水服方寸七 附後方 **小兒腹**

脹 半夏末少許酒和丸粟米大每服二九薑湯下不瘥加之或以火炮研末薑汁調貼臍亦佳

子母 **黃疸喘滿** 小便自利不可除熱半夏生薑各秘錄 半斤水七升煮一升五合分再服

有人氣結而死心下暖以此 **伏暑引飲** 脾胃不利少許入口遂活 張仲景方 消暑丸用

半夏醋煮一斤伏苓半斤生甘草半斤為末薑汁麵糊丸梧子大每服五十九丸熱湯下和劑局方

老人虛秘 冷秘及痲痺冷氣半硫丸半夏炮炒生子大每空心溫酒下 疏黃等分為末自然薑汁煮糊丸如梧

子大每空心溫酒下 **失血喘急** 吐血下血崩中帶五十九丸 和劑局方 下喘急痰嘔中滿

宿瘀用半夏提扁以薑汁和麵包煨黃研末米糊丸梧子大每服三十丸白湯下 直指方 **白**

濁夢遺 半夏一兩洗十次切破以木猪苓二兩同炒黃出火毒去猪苓入煨過牡蠣一兩以

山藥糊丸梧子大每服三十丸伏苓湯送下腎氣閉而一身精氣無所管揖妄行而遺者宜用此方

蓋半夏有利性猪苓導水使腎氣通也 **八般頭風** 與下元虛憊者不同 諸學士本事方

三次見効半夏末入百草霜少許作紙撚燒烟就鼻內啗之口中含水有涎吐去再含 衛生寶鑑

少陰咽痛 生瘡不能言語聲不出者苦酒湯主之 半夏七枚打碎雞子一枚頭開一竅去

黃納苦酒令小蒲入半夏在內以錄子坐于炭火上煎三沸去滓置盃中時時嚥之極驗未瘥更作

○仲景 **喉痺腫塞** 生半夏末啗鼻內 **骨哽在咽** 半

傷寒論 白芷等分為末水服方寸七 **重舌木舌** 張大塞口 半夏煎醋

當嘔出忌羊肉 外臺秘要 含漱之○又方半夏二十枚水煮過再炮片時小

乘熱以酒一升浸之密封良久熱漱冷吐之 **兒顛陷** 乃冷也水調半 **面上黑氣** 半夏焙研米醋

不計遍數從早至晚如此三日皂 **癩風眉落** 生半

角湯洗下面瑩如玉也 摘玄方 **盤腸生產** 產時子腸先出

屎燒焦等分為末自然 **產後運絕** 半夏末冷水

薑汁日調塗 聖濟錄 **小兒驚風** 生半夏一錢皂角半

盤腸產以半夏末頻啗鼻 婦人良方 錢為末吹少許入鼻

中則上也 納鼻中即愈此扁鵲法也 肘後方

名噴驚散即 **卒死不寤** 半夏末吹鼻中即活南岳

甦 直指方 **五絕急病** 一曰自溢二曰墻壓三曰溺水四曰魘

入鼻中心溫者一日 **癰疽發背** 及乳瘡半夏末雞

可活也 子母秘錄 後 **吹奶腫痛** 半夏一箇煨研酒服立愈一方以末

方 **打撲瘀痕** 水調半夏末塗之一宿 **遠行足趼** 上方同

簡 **金刃不出** 入骨脉中者半夏白歛等分為末酒

方 李筌大 **飛蟲入耳** 生半夏末麻油調塗 **蝎蠱螫人**

白經 半夏末水調塗之立 **蝎瘦五孔** 相通者半夏末水

惠 **咽喉骨哽** 半夏白芷等分為末水服方寸 外臺秘要

本草綱目卷下 五十四 下

莖涎主治煉取塗髮眉墮落者即生

雷敷

蚤休

本經下品

釋名 蚤休

別錄 蚤休

日華

紫河車

圖經

重臺

唐本

重樓金線

唐本 三層草

綱目

七葉一枝花

蒙筌

草甘遂

唐本

白甘遂

時珍

時珍

曰蟲蛇之毒得此治之即休故有蚤休螫休諸名重臺三層因其葉狀也金線重樓因其花狀也其遂因其根狀也紫河車因其功用也

集解

別錄曰蚤休生山陽川谷及宛句(秦曰)今謂重樓金線者是也一名重臺南人名為甘遂

一莖六七葉似王孫鬼曰菀麻葦葉有二三層根如肥大菖蒲細肌脆白保昇曰葉似鬼曰牡蒙年久者二三重根如紫參皮黃肉白五月采根日乾大明曰根如尺二蜈蚣大如肥紫菖蒲頌曰即紫

河車也今河中河陽華鳳文州及江淮間亦有之葉似王孫鬼曰等作二三層六月開黃紫花藥赤黃色上有金絲垂下秋結紅子根似肥薑皮赤肉白四月五月采之(宗奭曰)蚤休無旁枝止一莖挺生高尺餘顛有四五葉葉有岐似苦楸中心又起莖亦如是生葉惟根入藥用時珍曰重樓金線處有之生于深山陰濕之地一莖獨上莖當葉心葉綠色似芍藥凡二三層每一層七葉莖頭夏月開花一花七瓣有金絲葉長三四寸王屋山產者至五七層根如鬼曰蒼木狀外紫中白有粘糯二種外丹家采制三黃砂永入藥洗切焙用俗諺云七葉一枝深山是我家癰疽如遇者一似手指拏是也

根氣味苦微寒有毒

大明曰冷無毒伏雄黃丹砂蓬砂及塩

主治驚

癰搥頭弄舌熱氣在腹中

本經

癩疾癰瘡除蝕下三

蟲去蛇毒別錄生食一升利水唐本治胎風手足搐能

吐泄瘰癧大明去瘡疾寒熱時珍

發明恭曰摩醋傳癰腫蛇毒甚有效時珍曰紫河

腫者宜之而道家有服食法不知果有益否也

附方新服食法紫河車根以竹刀刮去皮切作散

瀉出疑冷入新布袋中懸風處待乾每服三九五

更初面東念呪井水下連進三服即能休糧若要

飲食先以黑豆煎湯飲之次以藥丸煮稀粥漸漸

食之呪曰天朗氣清金雞鳴吾今服藥欲長生吾

今不饑復不渴賴小兒胎風手足搐搦用蚕休即

得神仙草有靈紫河車為末每服半

錢冷水下慢驚發搐帶有陽證者白甘遂末即

衛生易簡方錢枯樓根末二錢

同于慢火上炒焦黃研勻每服一字中鼠莽毒金

煎麝香薄荷湯調下錢乙小兒方

重樓根磨水服咽喉殺賊腫痛用重臺赤色者川

即愈集簡方咽喉殺賊大黃炒木鼈子仁馬牙

消半兩半夏泡一分為末蜜聖惠方

在芡子大含之聖惠方

鬼臼本經校正併入圖經

釋名九臼本經天臼別錄鬼藥綱目解毒別錄爵犀本經馬目

毒公本經害母草圖經羞天花綱目木律草綱目瑯田草綱目

獨脚蓮土宿獨荷草土宿山荷葉綱目旱荷綱目八角盤

綱目唐婆鏡弘景曰鬼臼根如射干白而味甘九臼

而臼如馬眼故名馬目毒公殺蠱解毒故有犀名

其葉如鏡如盤如荷而新苗生則舊苗死故有鏡

盤荷蓮害母諸名蘇東坡詩集云瑤田草俗號唐
婆鏡卽本草鬼臼也歲生一白如黃精根而堅瘦
可以辟穀宋祁劍南方物贊云羞天花蜀地處處
有之依莖綴花蔽葉自隱俗名羞天予改爲羞寒
花卽本草鬼臼也贊云冒寒而茂莖修葉廣附莖
作花葉蔽其上以其自蔽若有羞狀○別有羞天
草與此不同
卽海芋也

集解

別錄曰鬼臼生九具山谷及冤句二月八月

射干木輩又似鉤吻有兩種出錢塘近道者味甘
上有叢毛最勝出會稽吳興者大而味苦無叢毛
力劣今馬目毒公狀如黃精根其白處似馬眼而
柔潤今方家多用鬼臼而少用毒公不知此那復
乖越如此恭曰鬼臼生深山巖石之陰葉如苧麻
重樓輩生一莖莖端一葉亦有兩岐者年長一莖
莖枯則爲一白假令生來二十年則有二十白豈
惟九白耶根肉皮鬚並似射干今俗用多是射干

而江南別送一物非真者今荊州當陽縣硤州遠
安縣襄州荊山中並貢之亦極難得頌曰今
江寧府滁舒商齊杭襄峽州荆門軍亦有之並如
蘇恭所說花生莖間赤色三月開後結實又一說
鬼臼生深山陰地葉六出或五出如鴈掌莖端一
葉如繖且時東向及暮則西傾蓋隨日出沒也花
紅紫如荔枝正在葉下常爲葉所蔽未常見日一
年生一莖旣枯則爲一白及八九年則八九日失
然一年一白生而一白腐蓋陳新相易也故俗名
害母草如芋魁烏頭輩亦然新苗生則舊苗死前
年之舊腐矣而本草注謂全似射干今射干體狀
雖相似然曰形淺薄與鬼臼大異鬼臼如八九箇
南星側比相疊而色理正如射干用者當使人求
苗采之市中不復有也時珍曰鬼臼根如天南星
相疊之狀故市人道謂小者爲南星大者爲鬼臼
殊爲謬誤按黃山谷集云唐婆鏡葉底開花俗名
羞天花卽鬼臼也歲生一白滿十二歲則可爲藥
今方家乃以鬼燈檠爲鬼臼誤矣又鄭樵通志云

鬼白葉如小荷形如鳥掌年長一莖莖枯則根為一白亦名八角盤以其葉似之也據此二說則似是今人所謂獨脚蓮者也又名山荷葉獨荷草旱龍門山至屋山有之一莖獨上莖生葉心而中空一莖七葉圓如初生小荷葉面青背紫揉其葉作瓜李香開花在葉下亦有無花者其根全似蒼朮紫河車丹爐家采根制三黃砂汞或云其葉八角者更靈或云其根與紫河車一樣但以白色者為河車赤色者為鬼白恐亦不然而庚辛玉冊謂蚤休陽草旱荷陰草亦有分別陶弘景以馬目毒公與鬼白為二物殊不知正是一物而有二種也又唐獨孤滔丹房鏡源云木律車有二種根皆似南星赤莖直上莖端生葉一種葉凡七瓣一種葉作數層葉似蓖麻面青背紫而有細毛葉下附莖開一花狀如鈴鐸倒垂青白色黃藥中空結黃子風吹不動無風自搖可制砂汞按此即鬼白之二種也其說形狀甚明

根氣味辛温有毒

別錄曰微温弘景曰其温有毒權曰苦之才曰畏垣衣

主治殺蟲毒鬼疰精物辟惡氣不祥逐邪解百毒

本經殺大毒療欬嗽喉結風邪煩惑失魄妄見去目

中膚翳不入湯

別錄主尸疰殮殍勞疾傳尸瘦疾

下死胎治邪瘡癰疽蛇毒射工毒

時珍

發明

頌曰古方治五尸鬼疰百毒惡氣多用之又曰今福州人三月采瑤田草根葉焙乾搗末

蜜丸服治風疾

附方新子死腹中

胞破不生此方累効救人歲萬數也鬼白不拘多少黃色者去

毛為細末不用篩羅只撚之如粉為度每服一錢無灰酒一盞同煎八分通口服立生如神名一字

神散 婦 射工中人 寒熱發瘡鬼白葉一把苦酒
人良方 漬搗取汁服一升日二次

千金 黑黃急病 黑黃面黑黃身如土色不妨食脉
方 沉若青脉入口者死宜烙口中黑

脉耳會王泉章門心俞用生鬼白搗汁一
小盞服乾者為未水服 三十六黃方

射干 本經 下品

釋名 烏扇 烏髮 烏吹 烏蒲 鳳翼 鬼扇
本經 別錄 別錄 本經 拾遺

土宿 扁竹 網目 仙人掌 土宿 紫金牛 土宿 野萱花 網目 草薑 別錄

黃遠 吳普弘景曰射干方書多音夜頌曰射干之
形莖梗疎長正如射之長竿之狀得名由此

爾而陶氏以夜音為疑蓋古字音多通呼若漢官
僕射主射事而亦音夜非有別義也時珍曰其葉

叢生橫鋪一面如鳥翅及扇之狀故有鳥扇烏髮
鳳翼鬼扇仙人掌諸名俗呼扁竹謂其葉扁生而

根如竹也根葉又如蠻薑故
曰草薑○髮音所甲切扇也

集解 別錄曰射干生南陽山谷田野三月二日采
根陰乾弘景曰此是烏髮根黃色庭臺多種

之人言其葉是為尾而復有為頭此若相似爾恐
非鳥髮也又別有射干相似而花白莖長似射人

之執竿者故阮公詩云射干臨層城此不入藥用
恭曰為尾葉都似射干而花紫碧色不抽高莖根

似高良薑而肉白名為頭保昇曰射干高二三尺
花黃實黑根多鬚皮黃黑肉黃赤所在皆有二月

八月采根去皮日乾藏器曰射干為尾二物相似
人多不分射干即人間所種為花草名鳳翼者葉

如鳥翅秋生紅花赤點為尾亦人間所種苗低下
於射干狀如為尾夏生紫碧花者是也大明曰射

干根潤形似高良薑大小赤黃色淡硬五六七八
月采頌曰今在處有之人家種之春生苗高一二

尺葉大類蠻薑而狹長橫張疎如翅羽狀故名烏
髮葉中抽莖似萱草莖而強硬六月開花黃紅色

瓣上有細文秋結實作房中子黑色一說射干多
生山崖之間其莖雖細小亦類木故荀子云西方
有木名曰射干莖長四寸生於高山之上是也陶
弘景所說花白者自是射干之類震亨曰根為射
干葉為烏翬紫花者是紅花者非機曰按諸注則
射干非一種有花白者花黃者花紫者花紅者丹
溪獨取紫花者必曾試有驗也時珍曰射干即今
扁竹也今人所種多是紫花者呼為紫蝴蝶其花
三四月開六出大如萱花結房大如拇指頗似泡
桐子一房四隔一隔十餘子子大如胡椒而色紫
極硬咬之不破七月始枯陶弘景謂射干為尾是
一種蘇恭陳藏器謂紫碧花者是為尾紅花者是
射干韓保昇謂黃花者是射干蘇頌謂花紅黃者
是射干白花者亦其類朱震亨謂紫花者是射干
紅花者非名執一說何以憑依謹按張揖廣雅云
為尾射干也易通卦驗云冬至射干生土宿真君
本草云射干即扁竹葉扁生如側手掌形莖亦如
之青綠色一種紫花一種黃花一種碧花多生江

南湖廣川浙平陸間八月取汁煮雄黃伏雌黃
丹砂能拒火據此則為尾射干本是一類但花色
不同正如牡丹芍藥菊花之類其色各異皆是同
屬也大抵入藥功不相遠藏器曰射干之名有三
佛經射干貂獾此是惡獸似青黃狗食人能緣木
阮公云射干臨層城者是樹殊有高大者本草射
干是草即今人所種者也

根修治

教曰凡采根先以米泔水浸一宿漉出
然後以箠竹葉煮之從午至亥日乾用

氣味苦平有毒

別錄曰微溫久服令人虛保昇曰
微寒權曰有小毒元素曰苦陽中

陰也時珍曰
寒多服瀉人

主治欬逆上氣喉痺咽痛不得消息

散結氣腹中邪逆食飲大熱

本經**療老血在心脾間**

欬唾言語氣臭散胃中熱氣

別錄**苦酒摩塗毒腫**

治疰氣消瘀血通女人月閉甄權消痰破癥結脅膈

滿腹脹氣喘痰癆開胃下食鎮肝明目大明治肺氣

喉痺為佳宗奭去胃中癰瘡元素利積痰疝毒消結核

震亨降實火利大腸治瘧母時珍

發明震亨曰射干屬金有木與火行太陰厥陰之積痰使使結核自消甚捷又治便毒此足厥陰

濕氣因疲勞而發取射干三寸與生薑同煎食前服利三兩行甚效時珍曰射干能降火故古方治

喉痺咽痛為要藥孫真人千金方治欬而上氣喉中作水雞聲有射干麻黃湯又治瘧母鼈甲煎丸亦用烏扇

燒過皆取其降厥陽相火也火降則血散腫消而痰結自解癥瘕自除矣

瘕自除矣

附方舊二新八咽喉腫痛射干花根山豆根陰乾為傷

寒咽閉腫痛用生射干猪脂各四兩合煎令焦喉

痺不通漿水不入外臺秘要用射干一片含嚥汁

肺動即解或醋研汁嚥引涎出亦妙○便民方用紫蝴蝶根一錢黃芩生甘草結梗各五分為末水調頓服立愈

二便不通諸藥不効紫花扁竹根生

名奪命散通○**水蠱腹大**動搖水聲皮膚黑用鬼扇根搗陰

疝腫刺發時腫痛如刺用生射干搗汁乳癰初腫

扁竹根如僵蠶者同萱草根為中射工毒生瘡者

未蜜調傅之神効永類方麻各二兩水三升煎二升溫服姚僧坦集驗方

鳶尾 本經下品

釋名烏園 本經 **根名**鳶頭 時珍曰並以形命名烏園當作烏鳶

集解 別錄曰烏鳶生九疑山谷五月采弘景曰方家言是射干苗而主療亦異當別是一種方

用鳶頭當是其根療體相似而本草不題恭曰此草所在有之人家亦種葉似射干而潤短不抽長

莖花紫碧色根似高良薑皮黃肉白嚼之戟人咽喉與射干全別射干花紅抽莖長根黃有白保昇

曰草名鳶尾根名鳶頭亦謂之鳶根葉似射干布地生黑根似高良薑而節大數箇相連九月十月

采根日乾時珍曰此即射干之苗非別一種也肥地者莖長根粗瘠地者莖短根瘦其花自有數色

諸家皆是強分陳延之小品方言東海鳶頭即出跋者亦訛也東海出之故耳

氣味苦平有毒 恭曰有小毒 **主治**蠱毒邪氣鬼疰諸毒

破癥瘕積聚去水下三蟲 本經 **殺鬼魅療頭眩** 別錄

附方 舊一 **飛尸遊蠱** 着喉中氣欲絕者鳶尾根削去皮納喉中摩病處令血出

為佳 **陳藏** **鬼魅邪氣** 四物鳶頭散東海鳶頭黃

器本草拾遺 **鬼魅邪氣** 牙即金牙莖若子防葵為末酒服方寸匕欲令病人見鬼增防葵一分欲令

知鬼又增一分立驗不可多服 **陳延之** 小品方

王簪 綱目 **釋名**白鶴仙 時珍曰並以花象命名

集解 時珍曰王簪處處人家栽為花草二月生苗成叢高尺許柔莖如白菘其葉大如掌團而

有尖葉上紋如車前葉青白色頗嬌瑩六七月抽莖莖上有細葉中出花朵十數枚長二三寸本小

未大未開時正如白王搔頭簪形又如羊肚蘑菇之狀開時微綻四出中吐黃蘂頗香不結子其根

連生如鬼曰射干生薑輩有鬚毛舊莖死則根有
一曰新根生則舊根腐亦有紫花者葉微狹皆鬼
曰射干
之屬

根氣味甘辛寒有毒主治搗汁服鮮一切毒下骨

硬塗癰腫時珍

附方新乳癰初起內消花印王簪花取根搗
酒服以渣傳之海上方婦人

斷產辰砂二錢搗末蜜和九梧子大產內三十日

以酒半盞服之不可着牙**解斑蝥毒**王簪根搗水

齒能損牙齒也**下魚骨哽**王簪花根山裏紅果根同搗自

濟急方**刮骨取牙**王簪根乾者一錢白

砂二分威靈仙三分草烏頭一分半為末以少許點疼處即自落也
余居士選奇方

葉氣味同根**主治蛇虺螫傷搗汁和酒服以渣傳之**

中心留孔洩氣時珍

鳳仙綱目

釋名急性子救荒**旱珍珠**綱目**金鳳花**綱目**小桃紅**救荒**夾**

竹桃救荒**海蔘**納音**染指甲草**救荒**菊婢**時珍曰其花頭

然如鳳狀故以名之女人采其花及葉包染指甲其實狀如小桃老則迸裂故有指甲急性小桃諸名宋光宗李后諱鳳宮中呼為好女兒花張宛丘呼為菊婢韋居呼為羽客

集解時珍曰鳳仙人家多種之極易生二月下子五月可再種苗高二三尺莖有紅白二色其

大如指中空而脆葉長如尖似桃柳葉而有鋸齒
極間開花或黃或白或紅或紫或碧或雜色亦自
變易狀如飛禽自夏初至秋盡開謝相續結實纍
然大如櫻桃其形微長色如毛桃生青熟黃犯之
即自裂皮卷如拳苞中有子似蘿蔔子而小褐色
人采其肥莖洵醜以充蒿笋嫩華酒浸一宿亦可
食但此草不生蟲蠹蜂蝶亦不近恐亦不能無毒也

子氣味微苦温有小毒主治產難積塊噎膈下骨

哽透骨通竅時珍

發明時珍曰鳳仙子其性急速故能透骨軟堅有
緣其透骨最能損齒與王簪根同凡
服者不可着齒也多用以戟人咽

附方新**產難催生**鳳仙子二錢研末水服勿近牙
外以蓖麻子隨年數搗塗足心

○集**噎食不下**鳳仙花子酒浸三宿晒乾為末酒
丸綠豆大每服八粒温酒下不可

多用即急性子
也**咽中骨哽**欲死者白鳳仙子研水
一大呷以竹筒灌入咽

其物即軟不可輕牙或
為末吹之**牙齒欲取**金鳳花子研末
入硃少許點疼

牙根取之**小兒痞積**急性子水菘花子大黃各一
兩俱生研末每味取五錢外

用皮硝一兩拌勻將白鷄鴿一箇或白鴨亦可去
毛屎剖腹勿犯水以布拭淨將末裝入內用線紮

定沙鍋內入水三碗重重紙封以小火煮乾將鴿
鴨翻調焙黃色冷定早晨食之日西時疾軟三日

大便下血病去矣忌冷物
百日**孫天仁集効方**

花氣味甘滑温無毒主治蛇傷搗酒服即解又治

腰脇引痛不可忍者研餅晒乾為末空心每酒服

三錢活血消積時珍

附方新風濕卧牀不起用金鳳花柏子仁朴硝木瓜煎湯洗浴每日二三次內服

獨活寄生湯
吳旻扶壽精方

根葉氣味苦甘辛有小毒主治雞魚骨哽誤吞銅

鐵杖撲腫痛散血通經軟堅透骨時珍

附方新咽喉物硬金鳳花根嚼爛噙嚙骨自下雞骨充効卽以溫水漱口免損齒

也亦治誤吞銅鐵打杖腫痛鳳仙花葉搗如泥塗腫破處乾則又上一

夜血散卽愈冬月收取乾者研末馬患諸病白鳳

水和塗之葉廷器通變要法連根葉熬膏遇馬有病抹其眼四角上卽汗出而愈衛生易簡方

坐拏草宋圖

集解頌曰生江西及滁州六月開紫花結實采其苗入藥甚易得後因人用有効今頗貴重時

珍曰按一統志云
出吉安永豐縣

氣味辛熱有毒主治風痺壯筋骨兼治打撲傷損

蘇頌

發明頌曰神醫普救方治風藥中已有用者時珍曰危氏得効方麻藥煮酒方中用之聖濟錄

治膈上虛熱咽喉噎塞小便赤澀神困多睡有坐拏丸用坐拏草大黃赤芍藥木香升麻麥門冬黃

芪木通酸棗仁薏苡仁枳殼等分爲末蜜丸梧子大每服二十丸麥門冬湯下

附錄押不蘆時珍曰按周密癸辛雜志云漠北回地方有草名押不蘆土人以少許

磨酒飲即通身麻痺而死加以刀斧亦不知至三日則以少藥投之即活御藥院中亦儲之貪官汚吏罪甚者則服百日丹皆用此也昔華佗能割腸滌胃豈不有此等藥耶

曼陀羅花

綱目

釋名風茄兒

綱目

山茄子

時珍曰法華經言佛說法時天雨曼陀羅花又道家

北斗有陀羅星使者手執此花故後人因以名花曼陀羅梵言雜色也茄乃因葉形爾姚伯聲花品呼為惡客

集解

時珍曰曼陀羅生北土人家亦栽之春生夏長獨莖直上高四五尺生不旁引綠莖碧葉

葉如茄葉八月開白花凡六瓣壯如牽牛花而大攢花中折斷葉外包而朝開夜合結實圓而有丁拐中有小子八月采花九月采實

花子氣味辛温有毒主治諸風及寒濕脚氣煎湯

洗之又主驚癇及脫肛并入麻藥

時珍

發明

時珍曰相傳此花笑采釀酒飲令人笑舞采釀酒飲令人辨予常試之飲酒半酣更令一

人或笑或舞引之乃驗也八月采此花七月采火麻子花陰乾等分為末熱酒調服三錢少頃昏昏如醉割瘡灸火宜先服此則不覺苦也

附方

新

曼陀羅花晒乾研末少許貼之

小兒慢

驚

曼陀羅花七朶重一字天麻二錢半全蝎炒十枚天南星炮丹砂乳香各二錢半為末每服半

錢薄荷湯調下

大腸脫肛

曼陀羅子連殼一對橡

御藥院方

五沸入朴硝少許洗之

羊躑躅 本經下品

釋名黃躑躅 綱目 黃杜鵑 蒙筌 羊不食草 拾遺 鬧羊花 綱目

驚羊花 綱目 老虎花 綱目 王枝 別錄弘景曰羊食其葉躑躅而死故名鬧當作

惱惱亂也

集解 別錄曰羊躑躅生太行山川谷及淮南山三

似鹿葱不可近眼(恭曰)花亦不似鹿葱正似旋花

色黃者也(保昇曰)小樹高二尺葉似桃葉花黃似

瓜花三月四月采花日乾(頌曰)所在有之春生苗

似鹿葱葉似紅花莖高三四尺夏開花似凌霄花

山石榴華正黃色羊食之則死今嶺南蜀道山谷

遍生皆深紅色如錦繡然或云此種不入藥(時珍

曰)韓保昇所說似桃葉者最的其花五出葉譏皆

黃氣味皆惡蘇頌所謂深紅色者即山石榴名紅

躑躅者無毒與此別類張揖廣雅謂躑躅一名决

光者誤矣决光决明也按唐李紳文集言駱谷多

山枇杷毒能殺人其花明艷與杜鵑花相似樵

者識之其說似羊躑躅未知是否要亦其類耳

花氣味辛温有大毒 權曰惡諸石及麵不入湯使

主治賊風在皮膚中淫淫痛温瘡惡毒諸痺 本經邪

氣鬼疰蠱毒 別錄

發明 頌曰古之大方多用躑躅如胡洽治時行赤

散及治五噉四滿丸之類并治風諸酒方皆

雜用之又治百病風濕等魯王酒中亦用躑躅花

今醫方搗脚湯中多用之南方治蠱毒下血有躑

躑躅花散云甚勝(時珍曰)此物有大毒曾有人以其

根入酒飲遂至于斃也和劑局方治中風癱瘓伏

虎丹中亦用

之不多服耳

本草綱目草部

附方 新 **風痰注痛**

躑躅花天南星並生時同搗作餅甌上蒸四五遍以稀葛囊盛

之臨時取焙為末蒸餅丸梧子大每服三九溫酒下腰脚骨痛空心服手臂痛食後服大良續傳

信痛風走注

黃躑躅根一把糯米一盞黑豆半盞酒水各一盞徐徐服大吐大泄一服

便能動也○

風濕痺痛

手足身體收攝不遂肢節疼痛言語蹇澀躑躅花酒

醫學集成

風蟲牙痛

躑躅一錢

拌蒸一炊久晒乾為末每以牛乳一合酒二合調服五分

附錄 **山躑躅**

時珍曰處處山谷有之高者四五尺低者一二尺春生苗葉淺綠色枝少

而花繁一枝數萼二月始開花如羊躑躅而蒂如石榴花有紅者紫者五出者千葉者小兒食其花

味酸無毒一名紅躑躅一名山石榴一名映山紅一名杜鵑花其黃色者即有毒羊躑躅也

不喫草

拾遺藏器曰生蜀川山谷葉細長任諸草中羊不喫者是也味苦辛溫無毒主一切

風血補益攻諸病煮之亦浸酒服時珍曰此草似羊躑躅而云無毒蓋別有此也

芫花

本經下品

校正

自木部移入此

釋名 **杜芫**

別錄

赤芫

本經

去水

別錄

毒魚

頭痛花

草

吳普

敗華

吳普

根名黃大戟

吳普

蜀桑

別錄時珍曰芫或作杭其義未詳去水言其功毒魚言其性大戟言其似也俗人因其氣惡呼為頭痛花山海經云首山其草多芫

也是也

集解

別錄曰芫花生淮源川谷二月一日采花陰乾普曰芫根生耶鄴二月生葉青色加厚則

黑華有紫赤白者三月實落盡葉乃生三月采花五月采葉八月九月采根陰乾保昇曰近道處處

有之苗高二三尺葉似白前及柳葉根皮黃似桑根正月二月花發紫碧色葉未生時收采日乾葉生花落即不堪用也頌曰在處有之宿根舊枝莖紫長一二尺根入土深三五寸白色似榆根春生苗葉小而尖似楊柳枝葉二月開紫花頗似紫荊而作穗又似藤花而細今絳州出者花黃謂之黃芫花時珍曰顧野王王篇云杭木出豫章煎汁藏果及卵不壞洪邁容齋隨筆云今饒州處處有之莖幹不純是木小人爭鬪者取葉按擦皮膚輒作赤腫如被傷以誣人至和鹽擦卵則又染其外若赭色也

修治

弘景曰用當微熬不可近眼時珍曰芫花留數年陳久者良用時以好醋煮十數沸去醋以水浸一宿晒乾用則毒滅也或以醋炒者次之

氣

根辛溫有小毒別錄曰苦微溫晉曰神農黃帝由公苦有毒扁鵲岐伯苦李當

之有大毒多服令人洩之 主治欬逆上氣喉鳴喘

咽腫短氣蟲毒鬼瘡疔瘰癧腫殺蟲魚本經 消胃中

痰水喜唾水腫五水在五臟皮膚及腰痛下寒毒

肉毒根療疥瘡可用毒魚別錄 治心腹脹滿去水氣

寒痰涕唾如膠通利血脉治惡瘡風痺濕一切毒

風四肢攣急不能行步甄權 療欬嗽瘡瘻大明 治水飲

痰癖脇下痛時珍

發明

時珍曰張仲景治傷寒太陽證表不解心下有水氣乾嘔痛引兩脇或喘或欬者十棗湯主之蓋小

湯主之若表已解有時頭痛出汗惡寒心下有水

青龍治未發散表邪使水氣自毛竅而出乃內經所謂開鬼門法也十棗湯驅逐裏邪使水氣自大小便而洩乃內經所謂潔淨府去陳莖法也夫飲有五皆由內啜水漿外受濕氣鬱蓄而為留飲流于肺則為支飲令人喘欬寒熱吐沫背寒流于肺則為懸飲令人欬唾痛引缺盆兩脇流于心下則為伏飲令人胸滿嘔吐寒熱眩運流于腸胃則為痰飲令人腹鳴吐水胸脇支滿或作泄瀉忽肥忽瘦流于經絡則為溢飲令人沉重注痛或作水氣附腫芫花大戟其逐之性逐水洩濕能直達水飲窠囊隱僻之處但可徐徐用之取効甚捷不可過劑洩人真元也陳言三因方以十棗湯藥為末用棗肉和丸以治水氣喘急浮腫之證蓋善變通者也楊士瀛直指方云破癖瀕用芫花行水後便養胃可也好古曰水者肺腎脾三經所主有五臟六腑十二經之部分上而頭中而四肢下而腰脚外而皮毛中而肌肉內而筋骨脉有尺寸之殊浮沉之別不可輕瀉當知病在何經何臟方可用之若

誤投之則害深矣芫花與甘草相反而胡洽居士方治痰癖飲癥以甘遂大戟芫花大黃甘草同用蓋欲其大吐以泄濕因相反而相激也

正誤

慎微曰三國志云魏初平中有青牛先生常服芫花年百餘歲常如五六十人時珍曰芫

花乃下品毒物豈堪久服此方外迂怪之言不足信也

附方

舊五新卒得欬嗽芫花一升水三升煮汁一

愈食五枚必卒嗽有痰芫花一兩炒水一升煮四沸

勿食酸鹹物喘嗽失音暴傷寒冷喘嗽失音取

乾冷病人以薦自裹春令灰飛揚入其七孔中當眼冷出口鼻皆辣待芫根盡乃止病即愈古今

錄乾嘔脇痛

傷寒有時頭痛心下痞滿痛引兩脇乾嘔短氣汗出不惡寒者表解裏未

和也十棗湯主之荒花熬甘遂大戟各等分為散
以大棗十枚水一升半煮取八合去滓納藥強人
服一錢羸人半錢平旦服之當下利病
除如不除明旦更服 仲景傷寒論 水腫支飲

及癰飲用十棗湯加大黃甘草五物各一兩大棗
十枚同煮如法服一方加芒硝一兩 胡治百病
方 天行煩亂 凝雪湯治天行毒病七八日熱積胸
中煩亂欲死用荒花一斤水三升煮

取一升半漬故布薄胃上不過再三薄
熱則除當溫四肢護厥逆也 千金方 久瘡結癖
在腹脇堅痛者荒花炒二兩硃砂五錢為 水蠱脹
未蜜丸梧子大每服十丸棗湯下 直指

滿 荒花枳殼等分以醋煮荒花至爛乃下枳殼煮
爛搗丸梧子大每服三十九丸白湯下 普濟方
酒疸尿黃 發黃心懊痛足脛滿荒花椒目等 背腿
分燒末水服半錢日二服 肘後

間痛 一點痛不可忍者荒花根末米醋調傳之如
不住以帛束之婦人產後有此尤宜 袖珍
諸般氣痛 荒花醋煮半兩玄胡索炒一兩半為末
每服一錢男子元臟痛葱酒下瘡疾烏

梅湯下婦人血氣痛當歸酒下諸氣痛 鬼胎癥瘕
香附湯下小腸氣痛茴香湯下 仁存
經候不通荒花根三兩剉炒黃為末每服一 催生
錢桃仁煎湯調下當利惡物而愈 聖惠方

去胎 荒花根剝皮以綿裹點麝香套入 產後惡物
陰穴三寸即下 攝生妙用方
不下 荒花當歸等分炒為 心痛有蟲 荒花一兩醋
末調一錢服 保命集 炒雄黃一錢

為末每服一字溫醋 牙痛難忍 諸藥不効荒花末
湯下 乾坤生意 擦之令熱痛定以
溫水漱之 白禿頭瘡 荒花末猪脂和 癰腫初起 荒
末和膠塗 癰癤已潰 荒花根皮搽作搽插人則不
之 千金 生合令膿易竭也 集簡方

痔瘡乳核 荒根一握洗淨入木臼搗爛入少水絞
汁於石器中慢火煎成膏將絲線於膏

內度過以線繫痔當微痛候痔乾落以紙撚蘸膏
納竅內去根當永除根也一方只搗汁浸線一夜
用不得使
水 經驗 瘰癧初起 氣壯人用芫根搗水一盞服
傳 瀕湖 便毒初起 芫根搗水服以渣傳之得下
集簡方 芫根搗水服以渣傳之得下
集簡方 芫根搗水服以渣傳之得下
方 贅瘤焦法 其草更膏筆粧瘰之四圍上三次
調別以筆粧其中勿近其草次日縮小又以其草
膏粧小暈三次如前仍上此藥自蒸焦縮 危氏
得効 一切菌毒 因蛇蟲毒氣熏蒸所致用芫花生
方 研新汲水服一錢以利為度 危
氏得効方

蕘花

音饒○本
經下品

釋名

時珍曰蕘者饒也其花繁饒也

集解

別錄曰蕘花生咸陽川谷及河南中年六月

采花陰乾弘景曰中年者時從河上來形似
芫花而極細白色茶曰苗似胡荽莖無刺花細黃
色四月五月收與芫花全不相似也保昇曰所在
有之以雍州者為好生岡原上苗高二尺許宗奭
曰今京洛間甚多時珍曰按蘇頌圖經言絳州所
上芫花黃色謂之黃芫花其圖小株花成簇生恐
即此蕘花也生時色黃乾則如白故陶氏言細白
也或言無蕘花以桃
花代之取其利耳

氣味苦寒有毒

別錄曰辛
微寒有毒

主治傷寒溫瘧下十二

水破積聚大堅癥瘕蕩滌滌腸中留癖飲食寒熱邪

氣利水道

本經

療痰飲欬嗽

別錄

治欬逆上氣喉中腫

滿疰氣蠱毒疰癰氣塊

甄權

發明宗奭曰張仲景傷寒論以堯花治利者取其行水也水去則利止其意如此今用之當斟酌不可過使與不及也須有是證乃用之好古曰仲景小青龙湯云若微利去府黃加堯花如雞子大熬令赤色用之蓋利水也時珍曰堯花蓋亦堯花之類氣味主治大畧相近

醉魚草綱目

釋名鬧魚花綱目**魚尾草**綱目**櫬木**

集解時珍曰醉魚草南方處處有之多在塹岸邊作小株生高者三四尺根狀如枸杞莖似黃

荆有微稜外有薄黃皮校易繁衍葉似水楊對節而生經冬不凋七八月開花成穗紅紫色儼如堯花一株結細子漁人采花及葉以毒魚盡圍圍而死呼為醉魚兒草池沼邊不可種之此花色狀氣味並如堯花毒魚亦同但花開不同時為異爾按中山經云熊耳山有草焉其狀如蘇而赤華名曰

亭藿可以毒魚其此草之類與

花葉氣味辛苦温有小毒主治痰飲成齁遇寒便

發取花研末和米粉作糲炙熟食之即効又治誤

食石斑魚子中毒吐不止及諸魚骨鯁者搗汁和

冷水少許嚥之吐即止骨即化也久瘡成癬者以

花填鯽魚腹中濕紙裹煨熟空心食之仍以花和

海粉搗貼便消時珍

莽草本草**校正**自木部移入此

釋名茵草音**芒草**山海**鼠莽**弘景曰莽本作茵字俗訛呼爾時珍曰此

本草綱目卷下

物有毒食之令人迷罔故
各山人以毒鼠謂之鼠莽

正誤

別錄曰一名菹一名春草禹錫曰按爾雅云菹春草孫炎注云藥草也俗呼為菹草郭璞

注云一名芒草所見異也時珍曰菹音尾白薇也
薇菹字音相近爾別錄白薇下云一名春草而此
又以為菹草蓋因孫
炎之誤也今正之

集解

別錄曰莽草生上谷山谷及宛句五月采葉
陰乾弘景曰今東間處處皆有葉青辛烈者

良又用搗以和陳粟米粉納水中魚吞即死浮出
人取食之無妨頌曰今南中州郡及蜀川皆有之
木若石南而葉稀無花實五月七月采葉陰乾一
說藤生繞木石間既謂之草而本草居木部今世所用
曰莽草諸家皆謂之草而本草居木部今世所用
皆木葉如石南葉枝梗乾則縐揉之其臭如椒數
日凡用葉勿用尖及孳生者時珍曰
范子計然云莽草出三輔青色者善

葉修治

敷日凡使取葉細剉以生甘草水蒸一日去二件
同盛入生稀絹袋中饑中蒸一日去二件

用
煞乾

氣味辛温有毒

晉曰神農辛雷公桐君苦有毒時
珍曰莽草制雌黃雄黃而有毒誤

食害人惟紫河車磨水服及黑豆煮汁
服可解豆汁澆其根即爛性相制也

主治風頭

癰腫乳癰疔瘻除結氣疥瘙殺蟲魚

本經
療喉痺不

通乳難頭風癢可用沐勿令入眼

別錄
治風疽疔氣

腫墜凝血治瘰癧除濕風不入湯服主頭瘡白禿

殺蟲與白斂赤小豆為末雞子白調如糊熒毒腫

乾更易上

甄

治皮膚麻痺煎濃湯淋風蟲牙痛

大明

發明 頌曰古方治風毒痺厥諸酒皆用茵草今醫家取葉煎湯熱含少頃吐之治牙齒風蟲及

喉痺甚効宗奭曰濃煎湯淋滌皮膚麻痺周禮煎氏掌除蠹物以茵草熏之則死時珍曰古方治小兒傷寒有莽草湯又瑣碎錄云思村王氏之子生

七日而兩腎縮入二醫云此受寒氣而然也以硫黃茱萸大蒜研塗其腹以茵草

蛇床子燒烟熏其下部而愈也

附方 舊四**賊風腫痺** 風入五臟恍惚宜莽草膏主

各二兩切以水和醋一升漬一宿猪脂一斤煎三上三下絞去滓向火以手摩病上三百度應手即

瘥若耳鼻疾可以綿裹塞之**小兒風癩** 製癩戴眼疥癬雜瘡並宜摩之

時後**風蟲牙痛** 十發又治大人賊風莽草雷丸各一雞子黃大化猪脂一斤煎七沸去滓摩痛處勿近目及陰日凡

三四次○**頭風久痛** 莽草煎湯沫之勿外臺秘要**風蟲牙痛** 聖惠方

射後方用莽草煎湯熱漱冷吐○一加山椒皮○

一加獨活○一加郁李仁○一加荒花○一加川椒細辛各等分煎湯熱漱冷吐○聖惠用莽草半

兩皂角三挺去皮子漢椒七粒為末棗肉丸芥子大每以一九塞

孔中吐涎取効**癰瘡未潰** 方同上得**乳腫不消** 莽草小取効止○

聖惠方**狗咬昏悶** 浸椒水調莽草末為末苦酒和傅

之衛生易簡**茵芋** 本經下品

釋名莞草 別錄**卑共** 別錄時珍曰茵芋本作因預

集解 別錄曰茵蕒生太山川谷三月三日采葉陰

似莽草而細軟連細莖采之方用甚稀惟合療風酒大明曰出自海鹽形似石南樹生葉厚五六七

本草綱目卷之二十七
月采頌曰今雍州絳州華州杭州亦有之春生苗高三四尺莖赤葉似石櫛而短厚又似石南葉四月開細白花五月結實三

莖葉氣味苦温有毒

別錄曰微温有毒

王治五臟邪

氣心腹寒熱羸瘦如瘡狀發作有時諸關節風濕

痺痛本經療久風濕走四肢脚弱別錄治男子女人軟

脚毒風拘急變痛甄權一切冷風筋骨怯弱羸顛入

藥多用大

發明時珍曰千金外臺諸古方治風癩有茵蘘丸

治風痺有茵蘘酒治婦人產後中風有茵蘘膏風濕諸方多用之茵蘘石南莽草皆古

附方舊一茵蘘酒

治眠風手足枯痺拘攣用茵蘘附子天雄烏頭秦艽女萎防風

防已石南葉躑躅花細辛桂心各一兩十二味切以絹袋盛清酒一斗漬之冬七夏三春秋五日藥

成每服一合日二服以微痺為度方茵蘘丸

治風出胡治居士百病方圖經本草

滯成脚氣發則痛者茵蘘葉炒薏苡仁各半兩郁李仁一兩牽牛子三兩生研末半兩右為末煉蜜

丸如梧子大每服二十九五更薑棗產後中風茵

湯下取利未利再服取快本經部水莖校正

石龍芮本品釋名地椹本經天豆別錄石能別錄魯果能別錄水莖吳普

又音苦董爾雅董葵郭璞胡椒菜救荒彭根別錄弘景曰

生于石上其

葉芮芮短小故名恭曰實如桑椹故名地椹禹錫曰爾雅云齧苦董也郭璞云即苦董也本草言味甘而此云苦者古人語倒猶甘草謂之大苦也時珍曰芮芮細兒其椹之子細芮故名地椹以下皆子名也水董以下皆苗名也苗作蔬食味辛而滑故有椒葵之名唐本草菜部水董係重出今依吳普本草合併為一

集解別錄曰石龍芮生太山川澤石邊五月五日

子形粗似蛇林子而扁非真好者人言是菑菜子也東山石上所生者其葉芮芮短小其子狀如葶蘆黃色而味小辛此乃是真也恭曰今用者俗名水董苗似附子實如桑椹生下濕地五月熟葉子皆味辛山南者粒大如葵子關中河北者細如葶蘆氣力劣於山南者陶以細者為真未為通論又曰葶菜野生非人所植葉似戴花紫色藏器曰爾雅云及董草注云烏頭苗也蘇恭注大姓亦云石

龍芮葉似葶草故名水董據此則葶草是烏頭苗水董定是石龍芮更非別草也頌曰今惟出兖州一叢數莖莖青紫色每莖三葉其葉短小多刻缺子如葶蘆而色黃蘇恭所說乃水董非石龍芮也兖州所上者正與本草及陶氏說合為得其真宗奭曰石龍芮有兩種水中生者葉光而子圓陸地生者葉毛而子銳入藥須水生者又謂之天灸而補不足莖冷失精時珍曰蘇恭言水董即石龍芮蘇頌非之非矣按漢吳普本草石龍芮一名水董其說甚明唐本草菜部所出水董言其苗也本經石龍芮言其子也寇宗奭所言陸生者乃是毛華有大毒不可食水董即俗稱胡椒菜者處處有之多生近水下濕地高者尺許其根如薺二月生苗叢生圓莖分枝一枝三葉葉青而光滑有三尖多細缺江淮人三四月采苗淪過晒蒸黑色為蔬四五月開細黃花結小實大如豆狀如初生桑椹青綠色搓散則子甚細如葶蘆子即石龍芮也宜半老時采之范子計然云石龍芮出三輔色

善黃者

子根皮氣味苦平無毒普曰神農苦平岐伯酸扁鵲大寒雷公賦無毒之才

日大戟為之使畏茱萸蛇蛻皮主治風寒濕痺心腹邪氣利關節

止煩滿又服輕身明目不老本經平腎胃氣補陰氣

不足失精莖冷令人皮膚光澤有子別錄逐諸風除

心熱燥大明

發明時珍曰石龍芮乃平補之藥古方多用之其功與枸杞覆盆子相埒而世人不知用何哉

水莖氣味甘寒無毒時珍曰微辛苦瀉主治搗汁洗馬毒

瘡并服之又塗蛇蝎毒及癰腫唐本久食除心下煩

熱主寒熱鼠瘻癰癧生瘡結核聚氣下瘀血止霍

亂又生搗汁半升服能殺鬼毒即吐出孟詵

發明說曰莖葉止霍亂與香莖同功香莖即香薷也

附方舊二新一結核氣莖菜日乾為末油煎成膏摩之日三五度便瘥孟詵食療

蛇咬傷瘡生莖杵汁塗之萬畢術血疝初起胡椒菜葉按按揉之集簡方

毛茛音良○拾遺校正併入毛茛

釋名毛建草拾遺水茛綱目毛茛音芹天灸衍義自灸綱目猴

蒜時珍曰莖乃草烏頭之苗此草形狀及毒皆似之故名肘後方謂之水茛又名毛建亦莖字音

按貼寸口一夜作泡如火燎故呼為天灸自灸

本草綱目卷之二十七

集解

藏器曰陶注鉤吻云或是毛苣蘇恭云毛苣

一方云菜中有水苣葉圓而光生水旁有毒蟹多食之人誤食之狂亂如中風狀或吐血以甘草汁解之又曰毛建草生江東地田野澤畔葉如芥而大上有毛花黃色子如蒺藜時珍曰毛建毛苣即今毛董也下濕處極多春生苗高者尺餘一枝三葉葉有三尖及細缺與石龍芮莖葉一樣但有細毛為別四五月開小黃花五出甚光艷結實狀如欲綻青桑椹如有尖峭與石龍芮子不同人以為鶩不食草者大誤也方士取汁煑砂伏硫沈存中筆談所謂石龍芮有兩種水生者葉光而未圓陸生者葉毛而未銳此即葉毛者宜辨之

附錄海薑陰命

藏器曰陶注鉤吻云海薑生海中赤色狀如石龍芮有大毒又曰陰

命生海中赤色着木懸其子有大毒今無的識者

葉及子氣味辛温有毒主治惡瘡癰腫疼痛未潰

搗葉傳之不得入瘡令肉爛又患瘡人以一握微

碎縛於臂上男左女右勿令近肉即使成瘡和薑

搗塗腹破冷氣藏器

牛扁本經下品

釋名扁特唐本**扁毒**唐本

集解別錄曰牛扁生桂陽川谷弘景曰今人不復識此恭曰此藥似董草石龍芮輩根如秦芫

而細生平澤下地田野人名為牛扁療牛虱甚効太常名扁特或名扁毒保昇曰今出寧州葉似石龍芮附子等二月八月采根日乾頌曰今潞州一種便特六月有花八月結實采其根苗搗末油調

殺蟻虱主療大都相似疑即扁特也但聲近而字訛耳

氣味苦微寒無毒**主治**身皮瘡熱氣可作浴湯殺

牛虱小蟲又療牛病本經

附錄虱建草

拾遺藏器曰苦無毒主蟻虱接汁沐頭虱盡死人有誤吞虱成病者搗汁

服一小合亦主諸蟲瘡生山足濕地發葉似山丹微赤高一二尺又有水竹葉生水中葉如竹葉而

短小可生食亦去蟻虱

葶麻葶音燭○宋圖經

釋名毛蕪

時珍曰葶字本作蕪杜子美有除蕪草詩是也

集解

頌曰葶麻生江寧府山野中時珍曰川黔諸處甚多其莖有刺高二三尺葉似花桑或青

或紫背紫者入藥上有毛芒可畏觸人如鋒螫蝨以人溺濯之即解有花無實冒冬不凋按投木中能毒魚

氣味辛苦寒有大毒吐利人不止**主治**蛇毒搗塗

之蘇頌風癩初起以此點之一夜皆失時珍

格注草唐本草

集解

恭曰出齊魯山澤間葉似蕪根紫色若紫草根一株有二十許二月八月采根五月六月

采苗日乾用

氣味辛苦温有大毒**主治**蠱痊諸毒疼痛等唐本

海芋綱目

釋名觀音蓮綱羞天草王天荷綱隔河仙見下

集解時珍曰海芋生蜀中今亦處處有之春生苗高四五尺大葉如芋葉而有幹夏秋間抽莖

開花如一瓣蓮花碧色花中有藥長作穗如觀音像在圓光之狀故俗呼為觀音蓮方士號為隔河

仙云可變金其根似芋魁大者如升盈長六七寸蓋野芋之類也庚辛王冊云羞天草陰草也生江

廣深谷澗邊其葉極大可以禦雨葉背紫色花如蓮花根葉皆有大毒可煨粉霜硃砂小者各野芋

宋祁海芋贊云木幹芋葉擁腫盤戾農經弗載可以治癰

氣味辛有大毒主治瘡瘡毒腫風癩伏礪砂時珍

附錄透山根時珍曰按岫嶺神書云透山根生蜀中山山谷草類薜蘿蕪可以點鐵成金昔

有人采藥誤斫此草刀忽黃軟成金也又庚辛王冊云透山根出武都取汁點鐵立成黃金有大毒

人誤食之化為紫水又有金英草亦生蜀中狀如馬齒莧而色紅模鐵成金亦有大毒入口殺人須臾為紫水也又何遠春渚紀聞云劉均父吏部罷官歸成都而有水銀一篋過峽篋漏急取渡旁叢草塞之久而開視盡成黃金矣宋初有軍士在澤州澤中割馬草歸鎌皆成金以草燃釜亦成黃金又臨安僧法堅言有客過於潛山中見一蛇腹脹鬻一草以腹磨之而消念此草必能消脹取置篋中夜宿旅館聞隣房有人病腹脹呻吟以釜煎藥一盃與服頃之不復聞聲念已安矣至旦視之其人血肉俱化為水獨骸骨在牀爾視其釜則通体成金矣觀何氏所載即是透山根乃金英草之類如此毒草不可不知故備載之耳

鉤吻本經下品

釋名野葛本經毒根吳胡蔓草圖斷腸草綱黃藤綱

火把花

弘景曰言其入口則鉤人喉吻也或言吻當作挽字牽挽人腸而絕之也時珍曰此

草雖名野葛非葛根之野者也或作冶葛王充論衡云冶地名也在東南其說甚通廣人謂之胡蔓

草亦曰斷腸草入人畜腹內即粘腸上半日則黑爛又名爛腸草滇人謂之火把花因其花紅而性

熱如火也岳州謂之黃藤

集解

別錄曰鉤吻生傳高山山谷及會稽東野折之青烟出者名固活二月八月采普曰秦鉤吻

一名除辛生南越山及寒石山或益州葉如葛赤莖大如箭而方根黃色正月采之恭曰野葛生桂

州以南村墟間巷間皆有彼人通名鉤吻亦謂苗為鉤吻根名野葛蔓生其葉如柿其根新采者皮

白骨黃宿根似地骨嫩根如漢防已皮節斷者良正與曰花藤相類不深別者頗亦惑之新者折之

無塵氣經年以後則有塵起從骨之細孔中出今折枸杞根亦然本草言折之青烟起者名固活為

良亦不達之言也人誤食其葉者致死而羊食其苗大肥物有相伏如此博物志云鉤吻蔓生葉似

鳧葵是也時珍曰嵇含南方草木狀云野葛蔓生葉如羅勒光而厚一名胡蔓草人以雜生蔬中毒

人半日輒死段成式酉陽雜俎云胡蔓草生邕州容州之間叢生花扁如卮子而稍大不成朶色黃

白其葉稍黑又按嶺南衛生方云胡蔓草葉如茶其花黃而小一葉入口百竅潰血人無復生也時

珍又訪之南人云鉤吻即胡蔓草今人謂之斷腸草是也蔓生葉圓而光春夏嫩苗毒甚秋冬枯老

稍緩五六月開花似檉柳花數十朶作穗生嶺南者花黃生滇南者花紅呼為火把花此數說皆與

吳普蘇恭說相合陶弘景等別生分辨並正于下

正誤

弘景曰五符經亦言鉤吻是野葛覈事而言

似是兩物野葛是根狀如牡丹所生處亦有

毒飛鳥不得集今人用合膏服之無嫌鉤吻別是一物葉似黃精而莖紫當心抽花黃色初生極類

本草綱目卷之二十一
黃精故人采多惑之遂致死生之反或云鉤吻是
毛茛參錯不同未詳云何敷曰凡使黃精勿用鉤
吻真似黃精只是葉有毛鉤子二個黃精葉似竹
葉又曰凡使鉤吻勿用地精莖苗相同鉤吻治人
身上惡毒瘡其地精殺人也恭曰鉤吻蔓生葉如
柿陶言飛鳥不集者妄也黃精直生葉似柳及龍
膽草殊非比類毛茛乃有毛石龍芮與鉤吻何干
頌曰江南人說黃精莖苗稍類鉤吻但鉤吻葉頭
極大而根細與蘇茶所說不同恐南北之產異也
禹錫曰陶說鉤吻似黃精者當是蘇說似柿葉者
別是一物也又言苗名鉤吻根名野葛者亦非通
論時珍曰神農本草鉤吻一名野葛一句已明草
木狀又名胡蔓草顯是藤生吳普蘇茶所說正合
本文陶氏以藤生為野葛又指小草為鉤吻復疑
是毛茛乃祖雷敷之說諸家遂無定見不辨其蔓
生小草相去遠也然陶雷所說亦是一種有毒小
草但不得指為鉤吻爾昔天姥對黃帝言黃精益
壽鉤吻殺人乃是以二草善惡比對而言陶氏不

審疑是相似遂有此
說也餘見黃精下

氣味辛溫大有毒

普曰神農辛雷公有毒殺人時

有大毒此獨變文曰大有毒可見其毒之異常也之才曰半夏為之使惡黃芩

主治金瘡

乳痃中惡風欬逆上氣水腫殺鬼疰蠱毒

本經破癥

積除脚膝痺痛四肢拘攣惡瘡疥蟲殺鳥獸搗汁

入膏中不入湯飲

別錄主喉痺咽塞聲音變

吳普

發明

藏器曰鉤吻食葉飲冷水即死冷水發其毒也彼土毒死人懸尸樹上汁滴地上生菌子

收之名菌藥烈於野葛也薤菜搗汁解野葛毒取
汁滴野葛苗即萎死商人先食薤菜後食野葛二
物相伏自然無苦魏武帝噉野葛至尺先食此菜
也時珍曰按李石續博物志云胡蔓草出二廣廣

本草綱目草部第十七卷下
人負債急每食此草而死以誣人以急水吞即死
急慢水吞死稍緩或取毒蛇殺之覆以此草澆水
生菌為毒藥害人葛洪肘後方云凡中野葛毒口
不可開者取大竹筒洞節以頭拄其兩脇及臍中
灌冷水入筒中數易水須臾口開乃可下藥解之
惟多飲其草汁人尿汁白鴨或白鶩斷頭瀝血入
口中或羊血灌之嶺南衛生方云即時取雞卵抱
未成雛者研爛和麻油灌之吐出毒物乃生稍遲
也即死也

本草綱目草部第十七卷下

終

